

**ESTATUTU SOZIALAK**  
**Kontsumo Kooperatiba**  
**ESNARGI, KOOP. S.**

## AURKIBIDEA

### I. KAPITULUA. IZENA, XEDEA, EGOITZA SOZIALA, IRAUPENA ETA LURRALDE EREMUA 4

|                                                  |   |
|--------------------------------------------------|---|
| 1. ARTIKULUA. IZENA                              | 4 |
| 2. ARTIKULUA. XEDEA                              | 4 |
| 3. ARTIKULUA. EGOITZA SOZIALA                    | 5 |
| 4. ARTIKULUA. IRAUPEN ETA LURRALDE EREMUA        | 5 |
| 5. ARTIKULUA. HIZKUNTZA OFIZIALA                 | 5 |
| 6. ARTIKULUA. IRABAZI ASMORIK GABEKO KOOPERATIBA | 5 |
| 7. ARTIKULUA. ESTATUTUEN ALDAKETA                | 6 |

### II. KAPITULUA. BAZKIDEAK 7

|                                                                  |    |
|------------------------------------------------------------------|----|
| 8. ARTIKULUA. BAZKIDE IZAN DAITEZKEENAK                          | 7  |
| 9. ARTIKULUA. ONARTUA IZATEKO BALDINTZAK                         | 8  |
| 10. ARTIKULUA. ONARPENARI BURUZKO ERABAKIAK                      | 10 |
| 11. ARTIKULUA. ONARTZEKO PROZEDURA                               | 10 |
| 12. ARTIKULUA. ONARPENARI BURUZKO EBAZPENEN AURKAKO ERREKURTSOAK | 11 |
| 13. ARTIKULUA. ESKUBIDE ETA BETEBEHAR SOZIALEN HASIERA           | 12 |
| 14. ARTIKULUA. BAZKIDEEN BETEBEHARRAK                            | 12 |
| 15. ARTIKULUA. BAZKIDEEN ESKUBIDEAK                              | 13 |
| 16. ARTIKULUA. INFORMAZIO ESKUBIDEA. MUGAK ETA BERME SISTEMAK.   | 14 |
| 17. ARTIKULUA. BAZKIDEAREN BORONDATEZKO BAJA                     | 16 |
| 18. ARTIKULUA. BAZKIDEAREN NAHITAEZKO BAJA                       | 18 |

### III. KAPITULUA. DIZIPLINA SOZIALEKO ARAUAK ETA BARNE ANTOLAKETAKO OINARRIZKO ELEMENTUAK 19

|                                                                                    |    |
|------------------------------------------------------------------------------------|----|
| 19. ARTIKULUA. BAZKIDEEN HUTSEGITE MOTAK                                           | 19 |
| 20. ARTIKULUA. HUTSEGITE SOZIALENGATIKO ZEHAPENAK                                  | 21 |
| 21. ARTIKULUA. ZEHAPEN PROZEDURA                                                   | 21 |
| 22. ARTIKULUA. KANPORATZEA                                                         | 22 |
| 23. ARTIKULUA. FUNTZIONAMENDUAREN BARNE ANTOLAKETARI BURUZKO OINARRIZKO ELEMENTUAK | 24 |
| 24. ARTIKULUA. HIRUGARRENEKIKO ERAGIKETAK                                          | 24 |

### IV. KAPITULUA. ORGANO SOZIALAK 25

|                                                             |    |
|-------------------------------------------------------------|----|
| 25. ARTIKULUA. ORGANO SOZIALAK                              | 25 |
| 26. ARTIKULUA. BATZAR OROKORRA                              | 25 |
| 27. ARTIKULUA. BATZAR OROKORRAREN DEIA.                     | 27 |
| 28. ARTIKULUA. BATZAR OROKORRAREN FUNTZIONAMENDUA           | 28 |
| 29. ARTIKULUA. BOTO ESKUBIDEA                               | 31 |
| 30. ARTIKULUA. GEHIENGOAK                                   | 31 |
| 31. ARTIKULUA. BATZAR OROKORRAREN ERABAKIAK AURKARATZEA     | 32 |
| 32. ARTIKULUA. KONTSEILU ERREKTOREA. IZAERA ETA ESKUMENAK   | 33 |
| 33. ARTIKULUA. KONTSEILU ERREKTOREAREN OSAERA ETA BERRITZEA | 35 |

|                                                                                                       |    |
|-------------------------------------------------------------------------------------------------------|----|
| 34. ARTIKULUA. KONTSEILU ERREKTOREAREN FUNTZIONAMENDUA                                                | 38 |
| 35. ARTIKULUA. KONTSEILU ERREKTOREARI BURUZKO XEDAPENAK                                               | 40 |
| 36. ARTIKULUA. KONTSEILU ERREKTOREKO KIDEEN ERANTZUKIZUNAK ETA ERANTZUKIZUN AKZIOA                    | 41 |
| 37. ARTIKULUA. ERABAKIAK AURKARATZEA                                                                  | 42 |
| 38. ARTIKULUA. ZUZENDARI KUDEATZAILEA. IZENDAPENA ETA KARGUGABETZEA. BETEBEHARRAK ETA ERANTZUKIZUNAK. | 43 |
| 39. ARTIKULUA. ZAINZTA BATZORDEA (derrigorrezkoa 100 bazkide baino gehiagoko kooperatibentzat)        | 44 |

## **V. KAPITULUA. KOOPERATIBAREN ARAUBIDE EKONOMIKOA** 46

|                                                                           |    |
|---------------------------------------------------------------------------|----|
| 40. ARTIKULUA. ERANTZUKIZUNAK                                             | 46 |
| 41. ARTIKULUA. KAPITAL SOZIALA                                            | 46 |
| 42. ARTIKULUA. KAPITAL SOZIALERAKO NAHITAEZKO EKARPENAK                   | 47 |
| 43. ARTIKULUA. BORONDATEZKO EKARPENAK                                     | 48 |
| 44. ARTIKULUA. EKARPENAK EGUNERATZEA                                      | 49 |
| 45. ARTIKULUA. EKARPENEN INTERESA                                         | 49 |
| 46. ARTIKULUA. EKARPENAK ESKUALDATZEA                                     | 49 |
| 47. ARTIKULUA. EKARPENAK ITZULTZEA                                        | 50 |
| 48. ARTIKULUA. PARTAIDETZA BEREZIAK                                       | 51 |
| 49. ARTIKULUA. ALDIZKAKO KUOTAK ETA EZOHIOAK                              | 52 |
| 50. ARTIKULUA. BESTE FINANTZAKETA BATZUK                                  | 52 |
| 51. ARTIKULUA. SOBERAKIN GARBIAK                                          | 52 |
| 52. ARTIKULUA. SOBERAKIN ERABILGARRIEN BANAKETA                           | 53 |
| 53. ARTIKULUA. NAHITAEZKO ERRESERBA FUNTSA ETA DERRIGORREZKO KONTRIBUZIOA | 53 |
| 54. ARTIKULUA. BORONDATEZKO ERRESERBA FUNTS BANAEZINA                     | 55 |
| 55. ARTIKULUA. GALERAK EGOZTEA                                            | 55 |
| 56. ARTIKULUA. KONTU AUDITORETZA                                          | 56 |

## **VI. KAPITULUA. DOKUMENTAZIO SOZIALA ETA KONTABILITATEA** 56

|                                         |    |
|-----------------------------------------|----|
| 57. ARTIKULUA. DOKUMENTAZIO SOZIALA     | 56 |
| 58. ARTIKULUA. KONTABILITATEA           | 57 |
| 59. ARTIKULUA. URTEKO KONTUAK GORDETZEA | 57 |

## **VII. KAPITULUA. DESEGITEA ETA LIKIDAZIOA** 58

|                                                   |    |
|---------------------------------------------------|----|
| 60. ARTIKULUA. DESEGITEKO ARRAZIOIAK ETA ERABAKIA | 58 |
| 61. ARTIKULUA. LIKIDAZIOA                         | 59 |
| 62. ARTIKULUA. SOZIETATEAREN ONDASUNAK ESLEITZEA  | 59 |

## **AZKEN XEDAPENAK** 60

|                                                                                               |    |
|-----------------------------------------------------------------------------------------------|----|
| LEHENA. ARBITRAJE KOOPERATIBOA                                                                | 60 |
| BIGARRENA. LETRADU AHOLKULARIA                                                                | 60 |
| HIRUGARRENA. DELITUAK PREBENITZEKO EREDUA ETA SEGIMENDUA EGITEKO MEKANISMOAK.                 | 61 |
| LAUGARRENA. KOOPERATIBA INDARKERIA SEXISTARIK GABEKO EREMU BAT IZATEKO BALIABIDE ESPEZIFIKOAK | 61 |

## I. KAPITULUA      IZENA, XEDEA, EGOITZA SOZIALA, IRAUPENA ETA LURRALDE EREMUA

---

### 1. ARTIKULUA.      IZENA

ESNARGI, KOOP. S. izenez, irabazi asmorik gabeko Kontsumo Kooperatiba integrala eratzen da Euskadiko Kooperatiben 11/2019 Legearen, abenduaren 20koaren, Printzipio eta Xedapenen arabera, eta ezarri beharreko gainerako aginduen eta estatutu hauetan xedatutakoaren arabera.

### 2. ARTIKULUA.      XEDEA

Kooperatibaren xede soziala da bere bazkideen, enplegatuen eta komunitatearen bizi kalitatea hobetzea, honen bitartez:

---

Ondasunak nahiz zerbitzuak hornitzea, bazkideek eta bazkideekin bizi direnek erosteko, erabiltzeko edo kontsumitzeko energiaren eremuan. Beraz, kooperatiba honen helburua energia komunitate baten jarduerak garatzea da, energia berriztagarrien erabilera sustatzeari buruzko Europako zuzentarauek ezarritako printzipioen arabera. Hala, irabazi finantzarioak eman beharrean, ingurumen-, ekonomia- eta gizarte-onurak emango dizkie bazkideei, kideei eta, orokorrean, kooperatibak jarduten duen tokiari. Horretarako, eremu hauetan jardungo du:

- **Energia-kontsumoaren murrizketa**, energia-eraginkortasuneko neurrien, prestakuntzaren, informazioaren eta aholkularitza-zerbitzuen bidez, baita birgaitze partzial, sakon eta integralaren arloko esku-hartzeak ere.
- **Mugikortasunaren arloan energia-mendekotasuna murrizteko beharrezkoak diren jarduerak**. Horretarako, honako lehentasun hauek errespetatuko dituzten plan eta zerbitzu espezifikoak sustatuko dira: oinez ibiltzea; bizikletaz edo bitarteko mekanikoz joatea inolako sistema osagarriarik erabili gabe; garraio publikoa erabiltzea eta indartzea; mugikortasun-baliabideak partekatzea, betiere jatorri berriztagarriko erregaiak erabiltzen badituzte.
- **Energia berriztagarriei buruzko proiektuak sustatzea**, komunitatean energia burujabetza lortzeko, gutxienez. Hauek izan daitezke:
  - Eguzki-energia fotovoltaiko, eoliko eta hidroelektrikoko teknologietan oinarritutako **elektrizitatea** sortzeko proiektuak, batez ere.
  - **Beroa sortzeko/banatze**ko proiektuak (beroa/hotza), hurbileko baliabideetan oinarrituta eta modu iraunkorrean tratatuak.

- **Energiari lotutako ekipoak**, produktuak eta zerbitzuak modu mankomunatuan erostea, kolektibo osoari baldintza hobeak eskaintzeko.
  - **Prekaritate energetikoan dauden talde zaurgarriak** integratzea, kooperatiba-printzipio unibertsalean oinarrituta, haien energia-mendekotasuna gutxitzeko eta bizi-kalitatea hobetzeko jardueren bidez.
  - **Bazkideei** eta haiekin bizi diren **senideei**, zuzenean edo zeharka bitartekari jardunez, ondasunak eta zerbitzuak eskaintzea ahalik eta baldintzarik onenetan kalitate, informazio eta prezioari dagokienez. Ondasun eta zerbitzu horiek Kooperatibak hirugarrenei erosi ahal izango dizkie edo berak ekoitzi ditzake. Ondasun eta zerbitzu horien soberakina bazkide ez diren pertsonen edo erakundeen hornitu ahal izango zaizkie.
  - Izaera bereko beste kooperatiba eta elkarte batzuekin **interkooperazioa** sustatu eta praktikatu. Ekonomia sozialaren eta kooperatibismoaren zabalpena egitea gure herrian edota eragin eremuan, tokian tokiko eragileen sareetan parte hartuz eta herritarren premia soziokulturalak eta ekonomikoak aseko dituen tokiko garapen **burujabe** baterantz joateko, ekintzailatza sozial eta kooperatiborako programen eta kooperatiba komunitarioen sustapen aktiboa egin, pertsona guztientzat irisgarria izango dena garatuz.
  - Herritarren premia soziokulturalak eta ekonomikoak aseko dituen tokiko garapen **burujabe** baterantz joateko, ekintzailatza sozial eta kooperatiborako programen eta kooperatiba komunitarioen sustapen aktiboa, pertsona guztientzat irisgarria dena garatzea.
- 

### 3. ARTIKULUA. EGOITZA SOZIALA

Kooperatibaren egoitza soziala Eskoriatzako Intxaurtxueta auzoa z/g-n kokatutako Ibarraundi eraikinean helbideratuta dago, eta udalerrri berean egindako lekualdatzeak Kontseilu Errektoreak erabaki ditzake, Euskadiko Kooperatiben 11/2019 Legearen, abenduaren 20koaren, 78. eta 79. artikuluetan ezarritakoari jarraituta.

### 4. ARTIKULUA. IRAUPEN ETA LURRALDE EREMUA

**Bat.** Kooperatibaren iraupena mugagabea izango da, eta jarduera kooperatibizatua Jarduera Ekonomikoen gaineko Zergaren alta inprimakian ezarritako egunean hasiko da.

**Bi.** Jardueraren lurralde esparrua Euskal Autonomia Erkidegoa izango da.

### 5. ARTIKULUA. HIZKUNTZA OFIZIALA

Euskara izango da, gaztelaniarekin batera, hizkuntza ofiziala.

## 6. ARTIKULUA. IRABAZI ASMORIK GABEKO KOOPERATIBA

Kooperatibaren irabazi-asmorik gabeko izaera bermatzeko, konpromiso hauek hartzen dira:

- a) Ekitaldi ekonomiko bateko emaitza positiboak ezingo dira bazkideen artean banatu.
- b) Bazkideek kapital sozialari egin beharreko derrigorrezko eta borondatezko ekarpenek ezin izango dute diruaren legezko interesetik gorako interesik sortu.
- c) Kontseilu Errektoreko karguek ez dute inolako ordainsaririk jasoko, bere eginkizunak betetzeagatik sortzen diren gastuen konpentsazioa izan ezik.
- d) Lan-bazkideen lan-aurrerakinek eta besteren konturako langileen ordainsariek ezingo dute gainditu sektore pribatuko langileen hitzarmen kolektiboan lan-jarduerarako eta dagokion mailarako finkatutako ordainsariaren %150.

## 7. ARTIKULUA. ESTATUTUEN ALDAKETA

**Bat.** Estatutuen aldaketa Batzar Orokorrak onartu behar du, baldintza hauek beteta:

- a) Kontseilu Errektoreak edo, kasua bada, bazkideen %40k txosten idatzi bat eman behar du proposamenaren justifikazio zehatzarekin.
- b) Deialdian argi eta garbi adierazi behar da zer alderdi aldatu behar diren.
- c) Deialdiaren iragarkian bertan berariaz jasotzea bazkide guztiek dutela proposatutako aldaketaren eta hori justifikatzen duen txostenaren testu osoa egoitza sozialean aztertzeako eskubidea eta, halaber, dokumentu horiek eskuratzea eskatzeko eskubidea edo dohainik bidaltzeko eskatzekoa.
- d) Erabakia Batzar Orokorrak hartzea, bertan dauden eta ordezkaturik dauden botoen bi hereneko gehiengoz.
- e) Sozietatearen izena, egoitza edo xedea aldatzeko erabakia, gainera, sozietatearen egoitza dagoen lurralde historikoan zabalkunde handia duen egunkari batean argitaratuko da, inskribatu aurretik.

Erabakia, onartutako testuarekin, eskritura publikoan jasoko da, eta Euskadiko Kooperatiben Erregistroan inskribatuko da.

- Bi.** Aldaketaren oinarria kooperatiba mota aldatzea bada, erabakiaren alde bozkatu ez duten bazkideek kooperatibatik bereizteko eskubidea izango dute, eta baja hori justifikatutzat joko da. Eragindako bazkide guztiek baliatu ahal izango dute eskubide hori, erabakia Euskadiko Kooperatiben Erregistroan inskribatu eta hurrengo berrogei eguneko epea igaro arte.

## **II. KAPITULUA. BAZKIDEAK**

---

### **8. ARTIKULUA. BAZKIDE IZAN DAITEZKEENAK**

**Bat. Bazkide kontsumitzaile edo erabiltzaileak**

Bazkide kontsumitzaile edo erabiltzaileak izan daitezke estatutu hauek bete eta Kooperatiban bazkide kontsumitzaile sartzeko eskatzen duten pertsona fisikoak, Kooperatibak saltzen dituen ondasun eta zerbitzuak erosiz haren xede soziala lortzen laguntzeko eta ondasun eta zerbitzu horiek beraientzat eta beren senideentzat ahalik eta baldintzarik onenetan eskuratzeko, kalitate, informazio eta prezioari dagokienez.

Amaierako hartzaile izaera duten erakundeak edo organizazioak ere izan daitezke bazkideak.

**Bi. Lan bazkideak**

- a)** Lan bazkide onartzen diren Kooperatibako langileak iraupen mugagaberako edo iraupen jakinerako izan daitezke lan bazkide, eta bazkide izaera automatikoki galduko dute onartu zaien bazkide izaeraren iraupena amaitzean.
- b)** Lan bazkideek Kooperatibaren zerbitzuan jardungo dute, horretarako ezartzen diren lan arauen eta instrukzioen mende eta Kooperatibaren organo eskumendunek definitutako antolaketa funtzionalaren eta estrukturalaren arabera.
- c)** Kontseilu Errektoreak erabakitakoaren arabera zehaztuko dira Lan bazkide bakoitzari agindutako zereginak betetzeagatiko lan aurrerakinak, estatutu hauen 6.d artikuluan ezarritako mugarekin.
- d)** Estatutu hauetan ezarritakoaren arabera arautuko dira Kapital sozialari emango zaion tratamendu ekonomikoa eta soberakinetako partaidetza.
- e)** Lan bazkideen, bai finkoen bai probaldian daudenen, Gizarte Segurantzako estalduraren ondorioetarako, Kooperatibak Gizarte Segurantzako Araubide Orokorra aukeratu du, lan bazkideak besteren konturako langileen parekoak baitira.

**Hiru. Bazkide laguntzaileak**

Kooperatibaren helburu sozialean zuzenean parte hartu gabe, helburu soziala lortzen lagun dezaketen eta gainerako bazkideekin interes komuna dutela egiaztatzen duten pertsona fisiko edo juridikoak.

Bazkide kontsumitzaile izateari uzten dioten eta Kooperatiban parte hartu nahi duten bazkideek bazkide laguntzailearen izaera eskuratu dezakete, betiere idatziz eskatzen badute eta beharrezkoak diren baldintzak betetzen badituzte.

Kontseilu Errektoreari dagokio Bazkide Laguntzaileak onartzeko erabakiak hartzea, eta onarpena denbora jakin baterako izan daiteke.

Kontseilu Errektoreak hartutako erabakiek ezarriko dituzte onartutako bazkideen lankidetzaren baldintzak eta gainerako eskubide eta betebeharrak espezifikokoak.

Halere, Estatutu hauetako 14. eta 15. artikuluetan adierazitako betebeharrak eta eskubideak izango dituzte, betiere dituzten betebeharrak eta eskubide bereziekin eta hitzartutako lankidetzarekin bateragarriak badira.

Haien boto eskubidea 29. artikuluan arautzen da.

**9. ARTIKULUA. ONARTUA IZATEKO BALDINTZAK**

**Bat.** Norbait bazkide kontsumitzaile onartua izateko, baldintza hauek bete beharko ditu:

- a) Hemezortzi urte baino gehiago izatea edo nortasun juridikoa eta jarduteko gaitasun nahikoa izatea.
- b) Onarpena eskatzea, Kontseilu Errektoreko lehendakariari zuzendutako eskari bidez.
- c) Kapital sozialerako ekarpenei buruzko konpromisoak onartzea, eta estatutu sozial hauetan bazkide mota horrentzat ezarritako hasierako nahitaezko ekarpena egitea, edo Batzar Orokorrak erabakitakoa eta indarrean dagoena.
- d) Estatutu sozial hauetan bazkide mota horrentzat ezartzen den partaidetza konpromisoa onartzea.
- e) Kooperatibaren organo sozialek baliozkotasunez hartutako erabakiak eta indarreko kooperatiba legeria onartzea eta betetzea, baita estatutu sozial hauek eta barne araudia ere.

**Bi.** Pertsona batek, lan bazkide mugagabe onartua izateko, baldintza hauek bete beharko ditu:

- a) Bere lana kontratatzeko legezko ahalmena izatea.

- b) Kapital sozialerako ekarpenei buruzko konpromisoak onartzea, eta estatutu sozial hauetan bazkide mota horrentzat ezarritako hasierako nahitaezko ekarpena egitea, edo Batzar Orokorrak erabakitakoa eta indarrean dagoena.
- c) Estatutu hauetan bazkide mota horrentzat ezartzen den partaidetza konpromisoa onartzea.
- d) Kooperatibaren organo sozialek baliozkotasunez hartutako erabakiak eta indarreko kooperatiba legeria onartzea eta betetzea, baita estatutu sozial hauek eta barne araudia ere.
- e) Probaldia ondo gainditzea. Probaldia sei hilabetekoa izango da gehienez, Kontseilu Errektoreak ezartzen dituen lanpostuetan izan ezik, lanpostu horiek betetzeko baldintza profesional bereziak behar badira, kasu horretan, probaldia hemezortzi hilabetekoa ere izan daiteke eta.

Probaldi horretan:

- Kooperatibak eta izangaiak harremana eten dezakete alde bakar batek libreki hartutako erabakiz.
  - Ezin izango da sozietatearen organoetako karguetarako aukeratu.
  - Ez du ekarpena egiteko betebeharririk izango, ezta sarrera kuota ordaintzeko ere.
  - Ez zaizkio egotziko probaldian kooperatiban gertatzen diren galerak.
- f) Onarpena eskatzea, Kontseilu Errektoreari zuzendutako eskari bidez.

**Hiru.** Pertsona batek, iraupen jakineko lan bazkide onartua izateko, baldintza hauek bete beharko ditu:

- a) Bere lana kontratatzeko legezko ahalmena izatea.
- b) Kapital sozialerako ekarpenei buruzko konpromisoak onartzea, eta estatutu sozial hauetan bazkide mota horrentzat ezarritako hasierako nahitaezko ekarpena egitea, edo Batzar Orokorrak erabakitakoa eta indarrean dagoena.
- c) Estatutu hauetan bazkide mota horrentzat ezartzen den partaidetza konpromisoa onartzea.
- d) Kooperatibaren organo sozialek baliozkotasunez hartutako erabakiak eta indarreko kooperatiba legeria onartzea eta betetzea, baita estatutu sozial hauek eta barne araudia ere.

- e) Sozietate kontratu bat izenpetzea, zeinean klausula zehatz guztiak jasoko baitira, eta, gainera, Kooperatibarekin duen harreman sozietarioa aldi baterakoa dela berariaz adierazita.
- f) Onarpena eskatzea, Kontseilu Errektoreari zuzendutako eskari bidez.

**Lau.** Pertsona batek, bazkide laguntzaile onartua izateko, baldintza hauek bete beharko ditu:

- a) Hemezortzi urte baino gehiago izatea edo nortasun juridiko nahikoa izatea.
- b) Kapital sozialerako ekarpenei buruzko konpromisoak onartzea, eta estatutu sozial hauetan bazkide mota horrentzat ezarritako hasierako nahitaezko ekarpena egitea, edo Batzar Orokorrak erabakitakoa eta indarrean dagoena.
- c) Estatutu hauetan bazkide mota horrentzat ezartzen den partaidetza konpromisoa onartzea.
- d) Kooperatibaren organo sozialek baliozkotasunez hartutako erabakiak eta indarreko kooperatiba legeria onartzea eta betetzea, baita estatutu sozial hauek eta barne araudia ere.
- e) Onarpena eskatzea, Kontseilu Errektoreari zuzendutako eskari bidez.

## **10. ARTIKULUA. ONARPENARI BURUZKO ERABAKIAK**

**Bat.** Kontseilu Errektoreari dagokio bazkideak onartzeari buruzko erabakia hartzea.

**Bi.** Bazkideak onartzeko erabakiak soilik mugatu ahal izango dira oinarri hauetako bat duen kausa justifikatua badago:

- a) Kooperatibaren zerbitzuaren ahalmena.
- b) Kooperatibaren antolaketa eta funtzionamendurako behar diren bazkide berrien beharrian objektiboak.
- c) Probaldiaren ondoren Zuzendaritzak egindako txostenak.
- d) Estatutu hauetan bazkide onartua izateko eskaera egin duenak onarpenerako bete behar diren baldintzak ez betetzea.

Sozietatearen xedeari dagokionez, onarpenari baiezkoa edo ezezkoa ematea ezin izango da edozelako bereizkeria eragiten duten arrazoietan oinarritu.

## 11. ARTIKULUA. ONARTZEKO PROZEDURA

- Bat.** Onarpen eskaera idatziz egingo zaio Kontseilu Errektoreari, eta hark eskaera jaso eta gehienez hirurogei eguneko epean eman beharko du ebazpena. Eskatzailea probaldian badago, gainera, ebazpena probaldia amaitu baino lehen eman beharko du.
- Bi.** Aipatutako epea igaro eta esanbidez ebazpenik eman ez bada, onarpena onartutzat hartuko da.
- Hiru.** Onarpenari buruzko erabakia idatziz jakinaraziko zaio interesdunari eta, ukatu egiten bada, arrazoiak eman behar dira. Epe hori igaro eta berariazko ebazpenik ez badago, onartutzat joko da.
- Nolanahi ere, Kontseilu Errektoreak kooperatibako iragarki taulan argitaratu beharko du onartzeko edo ez onartzeko erabakia.
- Lau.** Iraupen jakineko lan bazkideen kasuan, egoera horretan hiru urte daramatenean, iraupen mugagabeko bazkide izateko aukera izango dute, eta aldi hori bost urtekoa bada, iraupen mugagabeko bazkide izaera izango dute beti, eta Kontseilu Errektoreak Euskadiko Kooperatibei buruzko abenduaren 20ko 11/2019 Legearen 26-2 artikuluan xedatutakoaren arabera jardungo du.
- Kasu horretan, iraupen jakineko sozietate kontratuan jaso beharko da bazkideak iraupen jakineko izararekin hiru urte egiten badu lan bazkide mugagabea izateko aukeraz baliatzeko eskubidea duela, eta jasota utzi beharko da, halaber, iraupen jakineko sozietate kontratua indarrean dagoela eta kooperatibarekiko harreman hori bost urtera iritsi baino lehen baliatu beharko dela aukera horretaz.

## 12. ARTIKULUA. ONARPENARI BURUZKO EBAZPENEN AURKAKO ERREKURTSOAK

- Bat.** Ukatzeko erabakiaren aurka errekurtsoa jarri ahal izango du eskatzaileak Batzar Orokorraren aurrean, hogeia eguneko epean, ukatzeko erabakia jakinarazten denetik zenbatzen hasita. Errekurtsoa, egiten den lehenengo Batzar Orokorrak ebatzi beharko du, isilpeko bozketa bidez.
- Nahitaezkoa izango da interesdunari aldeztu aurretik entzutea.
- Bi.** Onartzeko erabakia errekurritu ahal izango da egiten lehen Batzar Orokorrean, gutxienez bazkideen %10ek eskatuta, onartzeko erabakia jakinarazten denetik hogeia eguneko epe berean.
- Batzar Orokorrak, berriz, egiten duen lehen bileran, isilpeko bozketa bidez eman beharko du ebazpena eta nahitaezkoa izango da

interesdunari alde zaureretik entzutea.

### 13. ARTIKULUA. ESKUBIDE ETA BETEBEHAR SOZIALEN HASIERA

**Bat.** Bazkide izaera eskuratzea etenda geratuko da onarpena errekurritzeko epea igaro arte edo, onarpena errekurritu bada, Batzar Orokorrak errekurtsioa ebatzi arte.

Onarpen erabakia izenpetzen den egunean hasiko dira indarra izaten onartutako bazkidearen eskubideak eta betebeharrak, hurrengo Bi atalean ezarritakoa alde batera utzita.

**Bi.** Lan bazkide izateko hautagaiek, probaldian, lan bazkideen eskubide eta betebeharrak berdina izango dituzte, berezitasun hauekin:

- a) ezin izango dira sozietatearen organoetako karguetarako aukeratu,
- b) ez dute kapital sozialera ekarpenak egiteko betebeharrak izango, ezta sarrera kuota ordaintzeko ere.
- c) Ez zaizkie egotziko probaldian kooperatiban gertatzen diren galerak.

### 14. ARTIKULUA. BAZKIDEEN BETEBEHARRAK

Bazkideen betebeharrak izango dira:

- a) Batzar Orokorraren eta deitzen dieten gainerako organoen bileretara joatea.
- b) Karguren baterako hautatzen badituzte, onartzea, salbu eta ez onartzeko bidezko arrazoia dagoen kasuetan.
- c) Kooperatibaren xede soziala osatzen duten jardueretan parte hartzea. Ondorio horietarako, parte hartzeko gutxieneko modulu edo arau batzuk zehazten dira Kooperatibako bazkide mota bakoitzerako, hauek:
  - Bazkide kontsumitzaileentzat: Gutxienez kapital sozialera egin beharreko gutxieneko ekarpenaren pareko erosketa bat urtean.
  - Lan bazkideentzat: Dagokion legeriak ezartzen duen gutxieneko lanaldia egitea.
  - Bazkide laguntzaileentzat eta ez aktiboentzat edo ez erabiltzaileentzat : Kooperatibaren esanetara egotea, laguntzeko eta xede soziala garatzeko eta hobetzeko agintzen zaizkien eginkizunak betetzeko.
- d) Kooperatibak lantzen duen xede sozialarekin lehian sartzen den jarduerarik ez egitea eta jarduera horiek egiten dituztenekin lankidetzan ez aritzea, Kontseilu Errektoreak berariaz baimentzen ez baditu behintzat.

- e) Kooperatibaren jarduerak eta datuak isilpean gordetzea, baldin eta horiek zabaltzeak interes sozialak kaltetu baditzake.
- f) Kapital sozialerako ekarpenak ordaintzea aurreikusitako baldintzetan eta aldizkako kuotak ordaintzea ezartzen diren epeetan.
- g) Galeren egozpena onartzea, Batzar Orokorrak erabakitako zenbatekoan.
- h) Kooperatiba barruan giro sozial egokia eta errespetuzko bizikidetza izaten laguntzea, harekiko jarrera leialarekin.
- i) Legez ezarritako adinean erretiroa hartzea, lan bazkideen kasuan.
- j) Lege arauetatik eta estatutuetatik eratortzen diren gainerako betebeharrak betetzea, baita kooperatibako organoek balioz hartutako erabakietatik datozenak ere.

## 15. ARTIKULUA. BAZKIDEEN ESKUBIDEAK

**Bat.** Bazkideen eskubideak hauek dira:

- a) Kooperatibako organoetako karguetarako kideak hautatzea, eta kargu horietarako hautatuak izatea.
- b) Batzar Orokorrean edo batzarkide diren gainerako organoetan proposamenak egitea eta hartzen diren erabaki guztietan parte hartzea hitzez eta botoa emanez.
- c) Kooperatibaren jarduera guztietan parte hartzea, diskriminaziorik gabe.
- d) Eskubideak baliatzeko eta betebeharrak betetzeko beharrezkoa den informazioa jasotzea. Hori guztia estatutu sozial hauetako hurrengo artikuluan xedatutakoaren kalterik gabe.
- e) Estatutu hauen esparruan barne ordenamendu juridikoan aldaketak sustatzea.
- f) Kapital sozialerako ekarpenak eguneratzea eta, hala badagokio, itzultzea, bai eta ekarpen horien interesak jasotzea eta, hala badagokio, itzulkin kooperatiboa ere.
- g) Lan bazkideek kooperatiban egitea beren lana, iraupen jakineko sozietate lotura iraungi arte edo erretiroa hartu arte, eta horri dagokion ordainsaria jasotzea.
- h) Bazkide kontsumitzaileek Kooperatibak ezarritako ondasunak, produktuak eta zerbitzuak kontsumitzea, Batzar Orokorrak, kasua bada, urterako finkatzen duen kantitatean.
- i) Kooperatibako organo sozialek hartutako erabaki baliodunak

betearaztea.

j) Legeetatik eta estatutuetatik eratortzen diren gainerakoak.

**Bi.** Eskubide sozial horiek bazkide guztientzat berdinak dira, eta legeen eta Estatutuen arauen eta Kooperatibako organoek baliozkotasunez hartutako erabaki eta ebazpenen arabera beteko dira.

## **16. ARTIKULUA. INFORMAZIO ESKUBIDEA. MUGAK ETA BERME SISTEMAK.**

**Bat.** Bazkideek informazioa jasotzeko eskubidea baliatu ahal izango dute Legean, estatutuetan edo Batzar Orokorraren erabakietan aurreikusitako moduan, zeinetan egoki iritzitako bideak jarri ahal izango baitira bazkideen eskubide hori erraztu eta gauzatzeko.

**Bi.** Bazkide orok eskubide hauek izango ditu:

- a) Kooperatibaren Estatutu Sozialen kopia bat eskatzeko eta, hala badagokio, Barne Araudiarena ere.
- b) Bazkideen Erregistro Liburua eta Batzar Orokorreko Akten Liburua aztertzea, eta, aurrez eskaera arrazoitua egiten badu, aktaren eta Batzar Orokorrean hartutako erabakien kopia ziurtatua eskuratzea, baita Bazkideen Erregistro Liburuko inskripzioen ziurtagiria ere.
- c) Norberari banaka eragiten dioten Kontseilu Errektorearen erabakien kopia ziurtatua eskatzea.
- d) Kooperatibari lotuta duen egoera ekonomikoaren berri jasotzea, Kontseilu Errektorearen eskutik, hilabeteko epean gehienez ere, eskatzen denetik aurrera kontaturik.
- e) Kooperatibako funtzionamenduaren edo emaitzen edozein alderdiri buruz beharrezkotzat jotzen dituen argibideak edo txostenak idatziz eskatzea Kontseilu Errektoreari. Idazki hori aurkeztu eta hamabost eguneko epean egingo den lehenengo Batzar Orokorrean eman beharko dira argibide edo txosten horiek.
- f) Urteko kontuak eta emaitzak aplikatzeko proposamena jasotzen dituzten dokumentuak eskuragarri izatea sozietatearen egoitzan, deialdiaren epean azter daitezen, Batzar Orokorrean, gai zerrendaren arabera, ekitaldiko kontuei edo edozein proposamen ekonomikori buruz eztabaidatu behar denean.
- g) Kontseilu Errektorearen kudeaketa txostena eta, hala badagokio, kanpoko kontu auditoretzaren txostena aztertzea, sozietatearen egoitzan eta Batzar Orokorraren deialdiaren epean. Halaber, hala badagokio, Zaintza Batzordearen txostenak bazkideen eskura egon beharko du.

- h) Aipatutako dokumentazioari buruzko azalpenak idatziz eskatzea, gutxienez bost egun lehenago, Batzarraren ekitaldian erantzun daitezten.

**Hiru.** Bazkideek ahoz eskatu ahal izango dute Batzar Orokorrean, ekitaldiko kontuez edo edozein proposamen ekonomikori buruz erabaki behar bada, horiei buruzko azalpenak edo argibideak, eta, horretarako, Kooperatibaren egoitzan bazkideen eskura jarriko dira kontuen berri ematen duten agiriak, deialdiak dirauen bitartean bazkideek aztertu ahal izan ditzaten.

Epe horretan, bazkideek agiri ekonomiko horiei buruzko azalpenak eta argibideak eskatu ahal izango dituzte, idatziz eta Batzar Orokorra egin baino bost egun lehenago gutxienez, eta batzarrean emango zaie erantzuna.

**Lau.** Aurreko Bat atalean ezarritako eskubidearen kalterik gabe, gutxienez boto sozialen %10 ordezkatzeko duten bazkideek, edozein unetan, beharrezkotzat jotzen duten informazioa eskatu ahal izango dute idatziz. Kontseilu Errektoreak idatziz eman beharko du eskatutako informazioa, gehienez hogeita hamar eguneko epean.

**Bost.** Nolanahi ere, Kontseilu Errektoreak Kooperatibaren aldagai sozioekonomiko nagusien berri eman beharko die bazkideei edo haiek ordezkatzeko dituzten organoei, gutxienez hiru hilean behin eta egoki ikusten dituen bideak erabiliz.

**Sei.** Kontseilu Errektoreak informazio eskaera ausarkeriaz edo oztopatzeko asmoz eginga denean edota informazioa emateak Kooperatibaren interes legítimoak arriskuan jartzea dakarrenean baino ezingo du ukatu informazioa. Ez da halako salbuespenik izango, ordea, baldin eta ukatzen den informazioa Batzar Nagusian eman beharrekoa bada eta bertaratutako eta ordezkaturako boto guztien erdia baino gehiago azaltzen bada eskatutako informazio hori ematearen alde. Beste kasu guztietan ere ez da halako salbuespenik izango hala erabakitzen badu Batzar Nagusiak, informazioa eskatu dutenek errekurtoa jarri ondoren.

Eskatzaileek Kontseilu Errektorearen ukoa aurkaratu ahal izango dute, Euskadiko Kooperatibei buruzko 11/2019 Legearen, abenduaren 20koaren, 25. eta 51. artikuluetan xedatutakoaren arabera.

**Zazpi.** Berme sistema hau ezartzen da:

- a) Informazioa eskatzen duten bazkideek informazio eskaera oro sinatu beharko dute, behar bezala identifikatuta eta eskaeraren azalpen arrazoitua emanda.

- b) Gutxienez bazkideen %20k izenpetzen badu informazio eskaera, Kontseilu Errektoreak eskaerari ezetz ematea erabakitzeko bi hereneko gehiengo kualifikatua beharko da.
- c) Kontseilu Errektoreak informazioa ukatzeko hartutako erabakia errekurritu ahal izango da Batzar Orokorrean, erabakia jakinarazi eta hogeiei eguneko epean.

Egiten den lehenengo Batzar Orokorrak ebatzi beharko du, isilpeko bozketa bidez.

Nahitaezkoa izango da interesdunari edo interesdunei alde zuretik entzutea.

**Zortzi.** Oro har, bazkideen informaziorako eskubidea errespetatzeko berme hauek ezartzen dira, Euskadiko Kooperatibei buruzko 11/2019 Legeak, abenduaren 20koak, 24. eta 25. artikuluetan ezarritako baldintzetan:

- a) Kontseilu Errektorea da bazkideen informaziorako eskubidea bermatzeko organo eskumenduna.
- b) Kontseilu Errektoreak Estatutu hauetako Bat atalean aurreikusitako kasuetan bakarrik ukatu ahal izango du informazioa, arrazoiak emanda, eta aipatutako atalean jasotako salbuespenarekin.
- c) Euskadiko Kooperatibei buruzko 11/2019 Legeak, abenduaren 20koak, edo beste lege batzuek eta Estatutu hauek xedatutako mugak baino ez ditu izango bazkideak lortutako informazioa erabiltzeko.
- d) Kooperatibak bere bazkideekin harremanetan egoteko erabilitako formatu, programa edo lengoia informatikoei buruzko informazioa eskatu ahal izango da.
- e) Eskatutako informazioa formatu elektronikoa bidali ahal izango da.
- f) Informazioa eskaeran erabilitako Euskadiko hizkuntza ofizial berean bidali beharko da, eta eskatzaileak berariaz horrela egiteko eskatu badu.

## **17. ARTIKULUA. BAZKIDEAREN BORONDATEZKO BAJA**

**Bat.** Edozein bazkidek borondatez utz dezake Kooperatiba noiznahi, betiere alde zuretik eta idatziz Kontseilu Errektoreari jakinarazten badio, hilabeteko aurrerapenarekin, arrazoi justifikatuen kasuan izan ezik.

Aurreko atalean ezarritakoaren kalterik gabe, bazkidea adostutako

irteera datara arte egon beharko da sozietatean eta kategoria hori eduki.

**Bi.** Aurreabisurako epea ez betetzea, baita ezarritako gutxieneko egonaldiak errespetatzen ez dituzten bajak ere, justifikatu gabeko bajatzat joko dira, Kooperatibako Kontseilu Errektoreak, kasuaren ezaugarriei erreparatuta, besterik erabaki ezean, hargatik eragotzi gabe bazkideari eskatu ahal izatea kooperatiban nahitaez egin beharreko lan eta zerbitzu guztiak betearaztea eta, hala badagokio, dagozkion kalte-galeren ordainak.

**Hiru.** Kontseilu Errektorearen eskumena izango da baja justifikatutzat edo justifikatu gabekotzat jotzea, eta gehienez ere hiru hilabeteko epean formalizatu beharko du, artikulua honen 1. atalean aipatzen den aurreabisua jakinarazten denetik zenbatzen hasita. Kalifikazioa idatziz jakinaraziko zaio bazkide interesdunari. Epe hori igarota, Kontseilu Errektoreak ez badu kalifikazioa jakinarazi, baja justifikatutzat joko da.

**Lau.** Honako hauek justifikatu gabeko borondatezko bajatzat joko dira:

- a) Bat atalean xedatutakoa ez betetzea, bai eta berariaz hitzartutako gutxieneko iraupen epeak errespetatzen ez dituzten bajak ere, salbu eta Kontseilu Errektoreak, kasuaren ezaugarriei erreparatuta, kontrakoa erabakitzen badu; nolanahi ere, bazkideari eskatu ahal izango zaio hartutako konpromisoak betetzea eta dagozkion kalte-galeren ordaina ematea.
- b) Bazkideak kooperatibako jarduerekin lehian sartzen diren jarduerak egin behar dituenean.

**Bost.** Honako hauek borondatezko baja justifikatutzat joko dira:

- a) Kooperatibaren bat-egite edo zatiketa kasuan, klase aldaketa, sozietatearen xedearen funtsezko aldaketa kasuan edo kapitalerako nahitaezko ekarpen berriak eskatu behar direla eta, dagokion erabakiaren aurka bozkatu duen bazkidearena, edo, erabaki hori hartu zen Batzar Orokorrera joan ez arren, berrogei eguneko epean erabakiarekin ados ez dagoela adierazi duen bazkidearena.
- b) Euskadiko Kooperatibei buruzko abenduaren 20ko 11/2019 Legearen 89.3 artikuluan xedatutakotik eratortzen direnak, Kooperatiba beste sozietate mota bat bihurtuz gero.
- c) Aurreko Lau atalean jaso ez diren borondatezko gainerako baja guztiak.

## 18. ARTIKULUA. BAZKIDEAREN NAHITAEZKO BAJA

- Bat.** Nahitaez baja hartu beharko dute Euskadiko Kooperatiben Legearen edo estatutu sozial hauen arabera bazkide izateko bete behar diren betekizunak galtzen dituzten bazkideek. Edonola ere, bazkideei nahitaezko baja emateko arrazoiak izango dira:
- Bazkide izateko eskatzen diren lege baldintzak galtzea,
  - sozietate loturarako hitzartutako denbora amaitzea,
  - kapital sozialera egin beharreko nahitaezko ekarpenari lotutako betebeharrak ez betetzea, izan hori hasierakoa zein Batzar Orokorrak onartutako nahitaezko ekarpen berri bat,
  - legez ezarritako adinean erretiroa hartzea –soilik lan bazkideentzat–
  - baliaezintasun iraunkor osoa – soilik lan bazkideentzat–,
  - baliaezintasun iraunkor absolutua –soilik lan bazkideentzat–,
  - Kanporatzea, eta
  - Heriotza.
  - Nortasun juridikoa azkentzea, kasua bada.
- Bi.** Nahitaezko baja Kontseilu Errektoreak erabakiko du, interesdunari entzun ondoren, ofizioz, edo beste bazkideren batek edo ukitutako pertsonak berak eskatuz gero.
- Hiru.** Kontseilu Errektorearen erabakia betearazlea izango da Batzar Orokorraren berrespena jakinarazten den unetik edo errekurritzeko epea igaro ondoren.
- Lau.** Nahitaezko baja justifikatutzat joko da bazkide izateko baldintzak galdu izanaren arrazoia ez bada bazkideak kooperatibarekiko zituen betebeharrak bete nahi ez izatea edo nahitaezko bajarekin bidegabeko onurak eskuratu nahi izatea.
- Bost.** Bazkideren bat ez badago ados bere borondatezko bajaren nahiz nahitaezko bajaren kalifikazio edo ondorioei buruz Kontseilu Errektoreak erabakitakoarekin, errekurtsua jartzeko aukera izango du. Halako kasuetan, estatutu hauetako 22. artikuluko 2. eta 4. ataletan ezarritakoa aplikatuko da.
- Sei.** Arrazoi ekonomiko, tekniko, antolamenduzko edo produkzioko larriengatik edo halabeharreko arrazoiengatik, Kooperatibaren bideragarritasun ekonomikoari eusteko ezinbestekoa bada lanpostuen zenbateko globala edo kolektibo nahiz talde profesional jakin batzuen lanpostuak behin betiko murriztea, Batzar Orokorrari dagokio Kooperatiban baja hartu behar izango duten lan bazkideen kopurua edo izena erabakitzea.

Kasu horietan, baja nahitaezko justifikatutzat joko da, eta lanik gabe geratzen diren bazkideek eskubidea izango dute beren kapital sozialerako borondatezko ekarpenak berehala itzultzeko eta nahitaezko ekarpenak gehienez ere bi urteko denbora tartean itzultzeko, hilean behingo epeetan. Horrez gain, bajaren ondoren bi urteetan berriz lanean hasteko lehentasunezko eskubidea izango dute, baldin eta betetzen zuten lanpostuaren antzeko edukia duten lanpostu berriak sortzen badira. Hala ere, Kooperatibak baliabide ekonomiko objektibagarriak dituenen, indarreko ekitaldi ekonomikoan itzuli beharko ditu nahitaezko ekarpenak.

Lanik gabe geratu diren lan bazkideak Estatutu Sozialen 41.Bost.b) artikuluan xedatutako ekarpenen titularrak badira eta Kooperatibak berehala itzultzea erabakitzen ez badu, Kooperatiban jarraitzen duten bazkideek berehala eskuratu beharko dituzte ekarpen horiek, Batzar Orokorrak erabakitako moduan.

### III. KAPITULUA. DIZIPLINA SOZIALEKO ARAUAK ETA BARNE ANTOLAKETAKO OINARRIZKO ELEMENTUAK

---

#### 19. ARTIKULUA. BAZKIDEEN HUTSEGITE MOTAK

**Bat.** Bazkideek egindako hutsegite sozialak oso larria, larriak eta arinak izan daitezke, garrantziaren, norainokoaren eta maleziaren arabera.

**Bi.** Hutsegite sozial oso larriak dira:

- a) Lehia eragiketak; kapitalari egindako ekarpenen iruzurra; datu garrantzitsuak ezkutatzea, eta Kontseilu Errektoreko kideei eta ordezkari sozialei begirunerik ez izatea, Kooperatibaren interes materialei edo prestigio sozialari kalte egiten badiete.
- b) Dokumentuak, sinadurak, zigiluak, markak edo antzeko datuak faltsutzea, horiek garrantzitsuak badira kooperatibak bazkideekin edo hirugarrenekin dituen harremanetarako.
- c) Kooperatibaren interesak larriki kaltetzen dituzten ekintzak edo jarduerak egitea, baita kooperatibaren sekretuen berri ematea edo zabaltzea ere.
- d) Kontseilu Errektorearen edo bere kideetako edozeinen eginkizunak usurpatzea.
- e) Bazkide egoeraz baliatzea espekulazio jarduerak edo legearen aurkakoak egiteko.
- f) Estatutu sozial hauetako 14. artikuluan transkribatutako

betebeharrak larriki edo behin eta berriz ez betetzea, eta egitez eta/edo hitzez bazkideak kooperatibaren prestigioa edo ondarea, baita, oro har, eratu zenean kooperatibak zehaztutako helburu soziala ere, kaltetzen duen ekintza errepikatzea.

- g) Beste bazkide batzuei edo kooperatibako langileei, halakorik balego, hitzez edo egitez gaizki tratatzea, organo sozialean bileretan edo lanak, jarduerak edo sozietatearen helburuaren garapenerako beharrezkoak diren operazioak egitean.
- h) Hutsegite larriak behin eta berriz egitea, urtebetetik beherako epean.

**Hiru.** Hutsegite larriak dira:

- a) Behar bezala deitutako Batzar Orokorrretara justifikatu gabe ez joatea, baldin eta bazkidea hutsegite arinagatik bi aldiz zehatua izan bada, azken hiru urteetan organo sozial horren bileretara ez joateagatik.
- b) Hautatuak izan direneko kargu sozialak arretaz ez betetzea.
- c) Estatutu hauetan xedatutako betebeharrak ekonomikoak berandu betetzea.
- d) Baimenik gabe dokumentuak, gutunak eta datuak atxikitzea, edo dagokien ez bezala aplikatzea, bideratzea edo erabiltzea.
- e) Bazkide bakoitzari agindutako lanak eta erantzukizunak ondo betetzea larriki oztopatzen duten ekintza edo omisio maltzurak.
- f) Hutsegite arinak behin eta berriz egitea, urtebetetik beherako epean.

**Lau.** Hutsegite arinak dira:

- a) Batzar Orokorraren saioetara justifikaziorik gabe ez joatea, bazkideari behar bezala deitu bazaio.
- b) Kooperatibako idazkariari ez jakinaraztea ohiko helbidearen edo helbide sozialaren aldaketa, hori gertatzen denetik bi hilabeteko epean.
- c) Estatutuetako, araudietako eta funtzionamendu arauetako aginduak ez betetzea, gutxienez behin, ez jakite barkaezina dela eta.
- d) Bazkide bakoitzari agindutako lanak eta erantzukizunak ondo betetzea arinki oztopatzen duten ekintza edo omisio maltzurak.
- e) Arduragabekeria edo deskuidu desenkusaezina, Kooperatibaren interesak kaltetzen ez baditu.

**Bost.** Lan bazkideen laneko hutsegiteak dira lana egitetik eratorritako edo horrekin zerikusia duten ekintza edo omisio guztiak, eta Batzar Orokorrak arautuko ditu.

## 20. ARTIKULUA. HUTSEGITE SOZIALENGATIKO ZEHAPENAK

**Bat.** Hutsegite arinengatik:

- Idatzizko kargu-hartzea.
- Boto eskubidea etetea, gehienez ere urtebetez.

**Bi.** Hutsegite larriengatik:

- Bat ataleko aurreko guztiak.
- Kooperatibako organo sozial kolegiatuetako kide hautatua izateko gaitasuna kentzea bi urtez.
- Idatzizko ohartarazpena, zeina, Kontseilu Errektoreko kideen iritziz, publiko egin ahal izango baita.
- Boto eskubidea etetea, gehienez bi urtez.
- Diru zehapena, lan aurrerakinen sei egunen parekora arte.

**Hiru.** Hutsegite oso larriengatik:

- Bat eta Bi ataletako aurreko guztiak.
- Eskubide sozial guztiak edo baten bat etetea, gehienez hiru urtez.
- Kanporatzea.

## 21. ARTIKULUA. ZEHAPEN PROZEDURA

**Bat.** Bazkideak hutsegite sozialengatik zehatzeko, dagokion espedientearen hasiko da beti, arau hauen arabera:

- a) Hutsegite arinetan, Kontseilu Errektoreak, hutsegite arintzat har daitezkeen egitate edo omisioen berri duenean, bere kideen artean zehapen espedientearen instrukzioa egingo duen pertsona bat izendatuko du. Pertsona horrek, hala badagokio, kargu orri bat egingo du erruztatutako bazkidearen aurka, eta horri idatziz jakinaraziko zaio hutsegitearen behin-behineko kalifikazioa eta dagokion zehapen proposamena, eta, aldi berean, bazkideak deskargu orria egin ahal izango du, instruktorearen jakinarazpena jaso eta hamar eguneko epean. Agiri hori idatziz aurkeztu beharko dio Kontseilu Errektoreari. Une horretatik aurrera, Kontseilu Errektoreak, gehienez ere hilabeteko epean hutsegitearen kalifikazioari eta behin betiko zehapenari buruzko erabakia hartu beharko du, baina, nolanahi ere, eta nahitaez, aldeztu aurretik entzunaldia emango dio interesdunari, eta, ondoren, interesduna

ez bada agertzen aurretiazko entzunaldira Kontseilu Errektoreak horretarako zitazioa egiten dionean, orduan erabakiko du hutsegitearen kalifikazioari eta behin betiko zehapenari buruz kooperatibaren azken instantzian, hargatik eragotzi gabe Euskadiko Kooperatiben Legearen, abenduaren 20koaren, 52. artikuluan ezarritako izapide prozesalaren bidez aurkaratzea.

- b) Hutsegite larri edo oso larrietan, prozedura hutsegite arinetarako aurreikusitakoaren berdin-berdina da, salbu eta Kontseilu Errektorearen zehapen erabakia aurkaratu daitekeela, eta ez duela kooperatiba barneko bidea agortzen. Bazkideak Batzar Orokorraren aurrean aurrean errekurri dezake Kontseilu Errektorearen zehapen erabakia, zehapena jakinarazi ondorengo hogeita hamar eguneko epean. Erabakia bazkide interesdunari entzun ondoren hartuko da, Batzar Orokorraren lehen bileran, kooperatibaren barne bidea agortzen baitu, hargatik eragotzi gabe bazkideak Batzar Orokorraren erabakia aurkaratzea, Euskadiko Kooperatiben Legearen 41.5 artikuluan aurreikusitako izapide prozesalaren bidez.

**Bi.** Hutsegite arinak hilabete batera preskribatzen dira; larriak bi hilabetera; eta oso larriak hiru hilabetera.

Hutsegiteak preskribatzeko epea hutsegitea egin den egunetik hasiko da zenbatzen. Hutsegite jarraituen edo iraunkorren kasuan, jokabide arau hauslea amaitzen denetik aurrera hasiko da zenbatzen epea. Preskripzioa eten egingo da zehapen prozedura bat hasiz gero, interesdunari jakinarazita, eta preskripzio epea berriz hasiko da ustezko erantzuleari egotzi ezin zaion arrazoi batengatik zehapen espedienteak geldirik badago, ebazpenik eman edo jakinarazi gabe, lau hilabete baina gehiagoan.

**Hiru.** Zehapen oro betearazi egin behar da, espedientatutako bazkideari dagokion errekurtsioa aurkezteko epea errekurtsorik aurkeztu gabe amaitu eta hurrengo egunetik hasita, edo dagokion erabaki apelaezina hartu eta hurrengo egunetik hasita.

**Lau.** Kanporatze kasuan izan ezik, Kontseilu Errektoreak, interesdunek eskatuta, ezarritako zehapenetatik bete ez den zatia ezereztu dezake.

## **22. ARTIKULUA. KANPORATZEA**

**Bat.** Kontseilu Errektoreak bazkide bat kanporatzea erabaki dezake soilik estatutuetan jasotako hutsegite oso larriagatik, horretarako hasitako espedientearen bidez eta interesdunari aurretik entzun ondoren.

**Bi.** Kanporatzeko erabakiaren aurka, bazkideak errekurtsua aurkeztu ahal izango dio Batzar Orokorrari, erabakia jakinarazi eta hogeita hamar eguneko epean.

Batzar Orokorraren aurreko errekurtsua, deitzen den lehenengo Batzar Orokorraren gai zerrendako puntu gisa sartu beharko da, eta isilpeko bozketa bidez ebatziko da, interesdunari berari entzun ondoren.

**Hiru.** Kontseilu Errektorearen erabakia betearaztekoa izango da Batzar Orokorraren berrespena jakinarazten denetik edo horien aurrean errekurtsua jartzeko epea amaitzen denetik.

**Lau.** Batzar Orokorrak kanporatzeko erabakia berretsi ondoren, bi hilabeteko epean aurkaratu ahal izango da, erabakia jakinarazten denetik zenbatzen hasita, Euskadiko Kooperatiben 11/2019 Legearen, abenduaren 20koaren, 41.5 artikuluan araututako bide prozesaletik.

**Bost.** Era berean, lan bazkideak kanporatu ahal izango dira, aurretik idatzizko zehapen espedientea irekita eta bazkide interesdunari aurretik entzunda, lana egitearekin zerikusia duten eta oso larritzat jotako hutsegiteengatik Batzar Orokorrak hala erabakitzen badu.

Kontseilu Errektoreak kanporatzeko erabakiaren berri emango dio bazkideari, idatziz, erabakia hartu osteko hamabost egunetan.

Kanporatzeko erabakiaren aurka, lan bazkideak errekurtsua aurkeztu ahal izango dio Batzar Orokorrari, erabakia jakinarazi eta hogeita hamar eguneko epean.

Batzar Orokorraren aurreko errekurtsua, deitzen den lehenengo Batzar Orokorraren gai zerrendako puntu gisa sartu beharko da, eta isilpeko bozketa bidez ebatziko da, interesdunari berari entzun ondoren.

Lan bazkideari lan egitea eten ahal izango zaio, Kontseilu Errektorearen kanporatzeko erabakia jakinarazten zaion egunetik aurrera, eta lan aurrerakinerako eskubideari eutsiko dio behin-behinean, lanean ariko balitz bezala.

Batzar Orokorrak kanporatze erabakia berretsi ondoren, erabakia aurkaratu ahal izango da, hogeit egun balioduneko epean, Batzar Orokorrak kanporatze erabakia -kaleratze gutunaren baliokidea da- jakinarazten zaionetik zenbatzen hasita, Jurisdikzio Soziala arautzen duen urriaren 10eko 36/2011 Legearen 103. artikuluan eta hurrengoetan araututako bide prozesaletik; lege horren 2. artikuluan xedatutakoaren arabera.

Dena dela, lan bazkideak, Lan arloko Jurisdikziora jo aurretik, Kooperatibaren barruko bidea agortu beharko du, hala arautzen

baitute Euskadiko Kooperatiben 11/2019 Legeak, abenduaren 20koak, lege horren garapen arauak, estatutu hauek edo Kooperatibaren barruko arauak.

### **23. ARTIKULUA. FUNTZIONAMENDUAREN BARNE ANTOLAKETARI BURUZKO OINARRIZKO ELEMENTUAK**

- a) Zuzendari gerenteari dagokio lana antolatzea eta diziplina ezartzea, Kontseilu Errektoreak emandako eskuordetzaren ondorioz.
- b) Kooperatibak lan bazkideak baliatuko ditu lehentasunez, eta, besteren konturako langileak kontratatu beharko balitu, horien kopuruak ez luke legeko muga gaindituko.
- c) Lan bazkide guztiak sailkatu egingo dira beren lan aurrerakinak jasotzeko, betetzen duten lanpostuaren eta lan bazkide izaerarekin kooperatibari ematen dioten benetako zerbitzuaren arabera.
- d) Lan bazkideen ordainsariak (lan aurrerakinak), gehienez ere beren jardueraren eta, kasua bada, beren kategoria profesionalaren arabera Kooperatibaren jarduerari dagokion sektorean aplikatu beharreko lan hitzarmenean lan bazkideek dituztenen antzeko lanpostuetarako jasotzen diren ordainsarien ehuneko berrogeita hamar izango dira.
- e) Kontseilu Errektoreak urtero finkatuko du lan bazkideen lan aurrerakina.
- f) Pertsona fisikoei dagokien fiskalitatea lan bazkideen kontura izango da , eta Kooperatibak ezingo du inola ere subrogatu.
- g) Lan bazkideei, finkoei zein probaldian daudenei, Gizarte Segurantzaren estaldura emateko, Kooperatibak arlo horretan indarrean dagoen legediaren arabera jardungo du, eta Gizarte Segurantzaren Araubide Orokorriari atxikiko zaio.
- h) Batzar Orokorrak onartuko duen Kooperatibaren barne araudiaren eta gainerako funtzionamendu arauen arabera antolatuko dira lan bazkideak kooperatibaren barruan, edo Kontseilu Errektoreak onartuko ditu kooperatibaren egituraren organigrama orokorrak. Horiek egiteko, lanpostu bakoitzaren eginkizunak eta zerrendak deskribatu beharko dira.

### **24. ARTIKULUA. HIRUGARRENEKIKO ERAGIKETAK**

Kooperatibak bazkide ez diren pertsonekin egin dezake bere jarduera, eta hori egiten badu Legeak ezarritako mugak baino ez ditu izango.

## IV. KAPITULUA. ORGANO SOZIALAK

---

### 25. ARTIKULUA. ORGANO SOZIALAK

- Bat.** Kooperatibaren organo sozialak honako hauek dira, eta bakoitza bere eskumenen titularra izango da eskusiboki:
- Batzar Orokorra.
  - Kontseilu Errektorea.
  - Zaintza Batzordea
- Bi.** Kooperatibaren kudeaketa arruntari dagozkion gaiak zuzendari gerentearen eskumenekoak dira. Horretarako, zuzendari gerenteak, Kontseilu Errektorearen izenean, kooperatibari interesatzen zaizkion egintza guztiak egingo ditu, eman zaizkion ahalmen eta ahalen barruan.
- Hiru.** Zuzendari-gerenteak zuzendaritza kontseilu baten laguntza eta aholkularitza izango ditu, eta horren osaera, ahalmenak eta funtzionamendua kooperatibaren barne araudian azalduko dira.
- Zuzendaritza Kontseilua kooperatibaren eginkizunak koordinatzeko eta zuzendari gerentearen aholkularitzarako organo gisa definitzen da, eta eginkizun nagusia kooperatibaren garapena aurreikusi, planifikatu eta sustatzea da, baita haren kudeaketa hobetzea ere.
- Lau.** Kooperatibak bere operatibitateko eta bere garapenerako komenigarritzat jotzen dituen beste organo sortu ahal izango ditu, kasu bakoitzean erabakitzen diren ahalmenekin. Ahalmen horiek ezin dira izan kooperatibak beharrezkoak dituen organoei legeak berariaz esleitzen dizkienak.
- Bost.** Kooperatibako organoak Legean xedatutakoaren arabera arautuko dira, Estatutu Sozialekin eta Barne Araudiarekin osatuta, eta, dagokionean, balioz onartzen den erabaki ororen bidez, euren funtzionamendua modu egokian antolatzeke.
- Sei.** Kooperatiba saiatuko da bere organoetan bazkideen ordezkaritza orekatua egoten, eta emakumeen eta gizonen berdintasunerako neurriak ezartzea sustatuko du, bereziki bizitza pertsonala, familiarra eta lanekoa kontziliatzera bideratutakoak.

### 26. ARTIKULUA. BATZAR OROKORRA

- Bat.** Batzar Orokorra bazkideen bilkura da, bere eskumeneko gaien gainean eztabaidatzeko eta erabakiak hartzeko eratua.

Batzar Orokorraren erabakiek hartzen diren egunetik aurrera sortzen dituzte ondorioak, eta bazkide guztiak behartzen dituzte.

**Bi.** Erabaki hauek hartzea dagokio eskusiboki Batzar Orokorrari:

- a) Kontseilu Errektorea osatzen duten pertsonak, Zaintza Batzordea osatzen duten pertsonak eta likidatzaileak izendatzea eta ezeztatzea, isilpeko bozketan. Eta horien aurkako erantzukizun akzioa gauzatzea.
- b) Kontu auditoreen izendapena eta kargugabetzea, kausa justua badago.
- c) Kudeaketa soziala aztertzea, urteko kontuak onartzea eta soberakinak banatzea edo galerak egozte.
- d) Nahitaezkoa ekarpen berriak, Kapital Sozialera egindako ekarpenen interesa eta sarrerako edo aldizkako kuoten zenbatekoak finkatzea.
- e) Obligazioen, partaidetza tituluen eta partaidetza berezien jaulkipena edo Euskadiko Kooperatiben 11/2019 Legeak, abenduaren 20koak, 68. artikuluan xedatutako beste finantzaketa modu batzuk erabakitzea, lege horren 62.2 artikuluan ezarritakoari kalterik egin gabe.
- f) Errekurtsoak ebaztea, Errekurtso-Batzordearen eskumenekoak direnean eta kooperatibak organo hori sortuta ez duenean.
- g) Estatutu Sozialen aldaketa.
- h) Bigarren edo maila handiagoko kooperatibak, kooperatiba taldeak eta antzeko beste entitate batzuk sortzea, baita horietara atxikitzea edo horietatik bereiztea ere.
- i) Sozietatearen bat egitea, zatitzea, transformatzea eta desagitea.
- j) Kooperatibaren ekonomia, antolamendu edo funtzioen egituraren funtsezko aldaketa dakarten erabakiak onartzea. Honako hauek hartuko dira halakotzat:
  - Kooperatibaren aktibo eta pasibo guztiak besterentzea.
  - Xede soziala aldatzea, horrekin ez badira errespetatzen eta zaintzen kooperatiba sortu zeneko xedeak eta jarduerak.
  - Kooperatiba mota aldatzea.
- k) Kooperatibaren barne araudia onartzea edo aldatzea.
- l) Legeak ezartzen dituen gainerako erabakiak.

**Hiru.** Batzar Orokorrak kooperatibarentzat interesgarriak diren gai guztiez

eztabaidatu ahal izango du, eta beste organo sozial baten eskumen eskusibokoak ez diren gaietan baino ezingo ditu nahitaezko erabakiak hartu.

- Lau.** Artikulu honen edo lege arauaren arabera Batzar Orokorrari dagozkion eskumenak ezin dira beste inoren esku utzi, artikulu honetako Bi puntuko h) atalean kooperatiba integraziorako prozesuetarako aurreikusitakoa izan ezik.

## **27. ARTIKULUA. BATZAR OROKORRAREN DEIA.**

- Bat.** Batzar Orokorra Ohikoa edo Ezohikoa izan daiteke, eta Kontseilu Errektoreak deituko du.

- Bi.** Ohiko Batzar Orokorra nahitaez bilduko da sozietatearen ekitaldia itxi eta hurrengo lehen sei hilabeteen barruan. Epe hori igaro, eta ez bada ez Batzarrik ez deialdirik egin, edozein bazkidek, notario bidez edo bestelako edozein bide sinesgarri erabiliz, Kontseilu Errektorea errekeritu ahal izango du Batzarrerako deia egin dezala. Kontseilu Errektoreak errekerimendua jaso eta hortik aurrerako hamabost eguneko epean deirik egiten ez badu, edozein bazkidek batzarrerako deia egin dezala eskatu ahal izango dio sozietatearen egoitza dagoen lekuko Merkataritzako Epaitegiari, zeinak, deia egin, eta erabakiko baitu nor izango den Batzarreko burua. Batzar Orokorrak, epe kanpo deituta ere, ez du ohiko izaera galduko.

- Hiru.** Ezohiko Batzar Orokorra edozein unetan elkartuko da, Kontseilu Errektorearen beraren ekimenez, edo gutxienez boto guztien ehuneko hogeitaz ordezkatzen duten bazkideek eskatuta, Kontseilu Errektoreari errekerimendu frogagarria eginez, eztabaidatu beharreko gai eta proposamenen gai zerrendarekin. Eskaera jaso eta hurrengo hogeita hamar egunetan Batzar Orokorra deitzen ez bada, deia epai bidez egiteko eskatu ahal izango da, aurreko zenbakian aurreikusitakoaren arabera.

- Lau.** Boto sozialen ehuneko hamar baino gehiago ordezkatzen duen bazkideen kopuru batek, deialdia egin eta hurrengo bost egunetan Kontseilu Errektoreari zuzendutako idazki baten bidez, gai bat edo gehiago gai zerrendan sartzeko eskatu ahal izango du. Kontseilu Errektoreak gai horiek gai zerrendan sartu beharko ditu, eta gai zerrenda berria legeak eskatzen duen publikitatearekin argitaratu beharko du, Batzarra egin baino lau egun lehenago gutxienez, eta Batzarraren bilera eguna ezin izango da inola ere atzeratu.

- Bost.** Batzar Orokorra biltzeko deialdia, nahitaez, sozietatearen egoitzan eta

Kooperatibak bere jarduera garatzen duen zentro guztietan jarriko da jendaurrean.

Kooperatibak bostehun bazkide baino gehiago baditu, egoitza sozialaren lurralde historikoan zirkulazio handia duen egunkari batean ere -idatzizkoa edo digitala- iragarriko da deialdia.

Kooperatibak bere webgunean argitaratutako iragarki baten bidez jakinaraziko du deialdia, baldin eta web orrialde hori sortzea Batzar Orokorrak erabaki badu eta sortzeko erabakia Euskadiko Kooperatiben Erregistroan kooperatibarentzat irekitako orrian jasota badago. Kasu horretan, ez da aplikatzekoa izango aurreko paragrafoan ezarritako betebeharra.

Alerta sistema bat ezartzen da publizitaterako mekanismoa osagarri gisa, ez derrigorrezkoa, kooperatibaren webgunean, kooperatibako bazkideen “gune pribatuan” edo “intranetean”; gune horretarako sarbidea bakarra eta eskusiboa izango da bazkide bakoitzarentzat, eta, horretarako, bazkide bakoitzak bere sarbide gakoa izango du.

**Sei.** Deialdia publiko egingo da, egingo den data baino gutxienez hamar egun eta gehienez hirurogei egun lehenago.

**Zazpi.** Deialdian zehaztu beharko da, gutxienez, zein egunetan, zein ordutan eta non izango den bilera, lehenengo, bigarren eta hirugarren deialdian, horien artean gutxienez ordu erdiko tarteak utzita, eta argi, zehatz eta nahiko xehetasunez jaso beharko da, baita ere, gai zerrenda osatzen duten gaiak.

Gainera, deialdiaren iragarkian adieraziko da bazkide guztiek eskubidea dutela gai zerrendako puntuei buruzko dokumentu guztiak sozietatearen egoitzan aztertzeko, eta baita, izatekotan, sozietatearen intranetean ere.

**Zortzi.** Artikulu honetako aurreko ataletan ezarritakoa eragotzi gabe, deialdi gabeko batzarra osatu ahal izango da baldin eta bazkide guztiak bilduta edo ordezkaturik egonik aho batez erabakitzen badute Batzar Orokor Unibertsala eratzea. Horretarako, denek onartu eta izenpetu behar dute gai zerrenda eta bertaratutakoen zerrenda, nahiz eta gero ez duten bazkide guztiek Batzarrean geratu beharrik izango.

## 28. ARTIKULUA. BATZAR OROKORRAREN FUNTZIONAMENDUA

**Bat.** Batzar Orokorra, unibertsala ez bada behintzat, sozietatearen egoitza dagoen herrian egin beharko da, edo Kontseilu Errektoreak erabaki duen beste edozein lekutan, betiere hori justifikatzen duen arrazoiren bat dagoenean.

Batzar Orokorrak, osorik edo partzialki, telematikoki edo teknologiak unean-unean ahalbidetzen duen antzeko beste edozein sistemaren bidez egin ahal izango dira, betiere Kontseilu Errektoreak deialdian hala zehazten badu eta administrazio-organo horrek bertaratze ez-presentziala gauzatzeko sistema ezartzen badu. Sistema horrek honako hauek bermatuko ditu:

- a) Deialdia jaso behar duten pertsona guztiek sartzeko aukera izatea.
- b) Bazkidearen nortasuna egiaztatzea.
- c) Boto-eskubidea erabiltzea eta, aurreikusita dagoenean, haren konfidentzialtasuna.
- d) Komunikazioa irudiaren eta soinuaren noranzko bikoia eta aldiberekoa izatea, bai eta ikusmen-, entzumen- eta ahoko elkarrekintza ere.
- e) Hala adierazten duten bazkideek modu presentzialean parte hartu ahal izatea, batzarrean.

Bazkideren batek Batzar Orokorrean parte hartu nahi badu, bertaratu gabe, bitarteko telematikoen bidez edo antzeko beste modu baten bidez, Batzarreko Idazkariak Batzar Orokorreko aktan jasoko du bazkidearen edo ordezkariaren nortasuna eta erabilitako bitartekoa, haren borondatea adieraziz, erabakiak balioz hartzeko eskatzen diren gainerako baldintzekin batera.

**Bi.** Batzar Orokorra baliozkoa izango da, lehen deialdian, baldin eta bildutako edo ordezkaturako bazkideek botoen gehiengoa bertan edo ordezkaturata badago; eta bigarren deialdian, baldin eta bildutakoak edo ordezkaturakoak botoen %10era edo 100 botori iristen badira, eta hirugarren deialdian edozein delarik ere bertan edo ordezkaturata dauden botoen kopurua.

Batzar Orokorrerako deialdia egitea erabaki zen datarako bazkide zirenek izango dute Batzarrerara joateko eskubidea.

**Hiru.** Ordezkaritza. Aukerak:

- a) Bertaratzea pertsonala izango da, eta ez da ordezkazarik onartuko, salbu eta bazkide kontsumitzaileak badira, horiek ezkontideak edo odolkidetasuneko edo ahaidetasuneko 2. mailara arteko senideren batek edo jarduteko erabateko gaitasuna duen legezko tutoreak ordezkaturata egon baitaitezke Batzar Orokorrean.

Eskatuko da:

- Ahal berezia batzarraren saio bakoitzerako.

- b) Bazkide bat, idatzizko baimen bidez, beste bazkide batek ordezka

dezake izaera bereziarekin Batzar Orokor bakoitzerako.

Batzar Unibertsalaren kasuan, aurreikusitako Gai Zerrenda ere jaso beharko da ordezkari gisa parte hartzen dela egiaztatzen den idatzian.

Bazkide bakar batek ere ezin izango ditu bi ordezkaritza baino gehiago izan, bereaz gain. Ordezkaritza ezeztatu ahal izango da. Ordezkaritza beste norbaiti eman dion pertsona Batzar Orokorrera joateak ordezkaritza ezeztatze indarra izango du.

**Lau.** Batzar Orokorreko lehendakaria Kontseilu Errektoreko lehendakaria izango da, eta hori ezin bada izan, Kontseilu Errektoreko lehendakariordea izango da, eta azken hori ere ezin bada izan, Batzarrak hautatutako bazkidea izango da.

Lehendakariari hau dagokio: eztabaidak zuzentzea, bere erantzukizunpean zaintzea desbideratzerik ez dagoela edo gai zerrendan sartzen ez diren gaiak erabakitzen direla, Legeak berariaz baimentzen dituenak izan ezik, Batzarraren ordena mantentzea eta legezko formalitateak betetzen direla zaintzea.

Idazkaria Kontseilu Errektoreko idazkaria izango da, edo, bestela, Batzar Okorrak berariaz aukeratzen duena.

**Bost.** Gai Zerrendan ez dauden gaiei buruzko erabakiak baliogabeak izango dira, salbu eta legeak berariaz baimentzen dituenak.

**Sei.** Batzar Orokorrean egon daitezke, halaber, Kooperatibaren funtzionamendu onerako batzarrean egotea interesgarritzat jotzen diren pertsonak, baldin eta Kontseilu Errektoreak deitzen baditu, salbu eta bertaratutakoen botoen erdiak baino gehiago horien presentziaren aurka badaude. Pertsona horiek hitza izango dute baina botorik ez.

**Zazpi.** Saioaren akta idazkariak idatziko du, datu hauek adierazita: bileraren eguna eta lekua, deialdia noiz eta zein modutan egin den eta deialdiaren testu osoa, zenbat bazkide bildu diren, pertsonalki edo ordezkatuta egon diren, lehenengo deialdia, bigarrena edo hirugarrena den, eztabaidatutako gaien laburpena, aktan jaso daitezela eskatutako parte hartzeak, hartutako erabakien edukia, bozketen emaitza, erabaki bakoitza zenbateko gehiengoarekin hartu den zehaztuta, eta aktaren onespina, bilera bukatu ondoren onartzen bada.

Bertaratutakoen zerrenda aktaren hasieran agertuko da, edo eranskin baten bidez erantsiko zaio aktari, idazkariak sinatuta eta lehendakariaren oniritziarekin. Bertaratutako bazkideen zerrenda fitxategi bidez ere osa daiteke, edo euskarri informatikoan sar daiteke, Merkataritza Erregistroaren erregelamenduan horrelako

sozietateentzat ezarritako betekizunekin.

**Zortzi.** Akta Batzarrak berak onartu ahal izango du, Batzarra egin ondoren, edo, bestela, lehendakariak eta Batzarrak berak izendatutako bi kidek onartuko dute, idazkariarekin batera sinatuta, hamabost eguneko epean nahitaez.

Batzar Orokorrera joandako edozein bazkidek eskubidea izango du aktaren edo hartutako erabakien testu osoaren ziurtagiriak eskatzeko. Ziurtagiria egiten den egunean idazkari denak emango ditu ziurtagiriok, lehendakariaren oniritziarekin.

**Bederatzi.** Erabakiek hartu diren momentutik aurrera izango dituzte ondorioak.

**Hamar.** Inskribatzekoak diren erabakiak Euskadiko Kooperatiben Erregistroan aurkeztuko dira, akta onetsi eta hogeita hamar eguneko epean.

## 29. ARTIKULUA. BOTO ESKUBIDEA

**Bat.** Bazkide bakoitzak, pertsona fisikoa zein pertsona juridikoa izan, boto bat izango du.

Halere, bat-batean gertatutako egoerengatik, Batzarra deitzen den egunean bazkide laguntzaileak guztirako boto kopuruaren %30 baino gehiago badira, haien botoen balioa %30 horretara mugatuko da.

**Bi.** Bazkideak ezingo du boto eskubidea erabili interes gatazka hauetan:

- a) hartu beharreko erabakiak zuzenean eta eskusiboki eragiten dionean, espedientatutako gehiengoaren parte denean izan ezik, eta
- b) Kooperatibak gauzatutako erantzukizun ekintza baten subjektua bada.

**Hiru.** Bazkide laguntzaileen, ez aktiboen edo ez erabiltzaileen eta iraupen jakineko bazkideen botoen guztizko kopurua ezin izango da, inola ere, kooperatibako boto guztien erdira iritsi.

## 30. ARTIKULUA. GEHIENGOAK

**Bat.** Batzar Orokorrean erabakiak hartzeko, baliozkotasunez emandako botoen erdia baino gehiago beharko da. Salbuespen izango dira Euskadiko Kooperatiben 11/2019 Legean, abenduaren 20koan, edo estatutu sozial hauetan gehiengo indartua behar dutela adierazten diren kasuak. Gehiengoak osatzeko, ez dira zenbatuko ez boto zuriak ez abstentzioak.

**Bi.** Kooperatibaren eraldaketa, bat egitea, zatitzea edo desagitea

erabakitzeko, Batzarrean dauden edo ordezkaturakoen baliozko botoen bi hereneko gehiengoa beharko da, betiere bertaratu eta ordezkaturakoen boto kopurua kooperatibako boto guztien ehuneko hirurogeita hamabost baino txikiagoa baldin bada.

**Hiru.** Kontseilu Errektoreko kideak kargugabetzea erabakitzeko, ez bada Gai Zerrendan agertzen, bertaratutako eta ordezkaturako botoen bi herenen aldeko botoa beharko da.

### **31. ARTIKULUA. BATZAR OROKORRAREN ERABAKIAK AURKARATZEA**

**Bat.** Batzar Orokorraren erabakiak aurkaratu ahal izango dira baldin eta Legearen nahiz estatutuen aurkakoak badira edo Kooperatibaren kaltetan hartu badira bazkide baten edo gehiagoren zein hirugarren ez-bazkideen mesedetan.

Ez da egokia izango Kapital Sozietateen Legearen arabera ondoriorik gabe utzi den edo baliozkotasunez ordeztu den akordio bat aurkaratzea, ezta arau horrek xedatzen dituen gainerako kasuetan ere. Aurkaratzeko arrazoia ezabatu ahal bada, merkataritza arloko epaitegiak arrazoizko epe bat emango du aurkaratze hori zuzendu ahal izateko.

**Bi.** Aurkaratze akzioa honako hauek egikaritu ahal izango dute: bazkideek, Kontseilu Errektoreko kideek eta interes legitimoa duen bazkide ez den edozein hirugarren; aukera hori urtebetean iraungiko da, salbu eta erabaki horien karia edo edukia ordena publikoaren aurkakoak direnean.

**Hiru.** Artikulu honetan xedatutako iraungitze epeak akordioa hartzen den egunetik aurrera zenbatuko dira, edo, inskriba badaiteke, Euskadiko Kooperatiben Erregistroan inskribatzen den egunetik aurrera.

**Lau.** Oro har, aurkaratze prozedura Kapital Sozietateen Legean ezarritako arauetara egokituko da, salbuespen honekin: demanda idazkian aurkaratutako erabakia eteteko eskatzen bada, eskatzen duena Zaintza Batzordea izan beharko da, edo gutxienez boto kopuruaren %10 ordezkatzeko duten bazkideak 50 bazkide baino gehiagoko kooperatibetan, %15 ordezkatzeko dutenak 10 eta 50 bazkide arteko kooperatibetan, eta %20 ordezkatzeko dutenak 10 bazkide baino gutxiagoko kooperatibetan.

**Bost.** Aurkaratze akzioaren baiespen epaiak bazkide guztiengan izango du eragina, baina ez die eragingo aurkaratutako erabakiaren ondorioz hirugarren ez-bazkide onustedunek lortutako eskubideei; aurkaratutako erabakia Euskadiko Kooperatiben Erregistroan jasota

badago, epaiak inskripzio horren ezereztea aginduko du.

### **32. ARTIKULUA. KONTSEILU ERREKTOREA. IZAERA ETA ESKUMENAK**

**Bat.** Kontseilu Errektorea kide anitzeko organo bat da, eta berari dagokio, eksklusiboki, Kooperatibaren kudeaketa eta ordezkaritza. Gainera, Legeak edo Estatutu hauek beste organo sozial batzuei berariaz erreserbatzen ez dizkieten ahalmen guztiak baliatzen ditu.

**Bi.** Kontseilu Errektorearen eskumenekoak dira honako ahalmen espezifiko hauek:

- a) Bazkideen onarpena eta baja erabakitzea, estatutu hauetan ezarritakoaren arabera.
- b) Kooperatibaren ordezkari izatea, eskuordetza ahalmenarekin, erantzukizun osoz, edozein motatako egintza eta kontratuetan, eta, bereziki, kooperatiba partaide deneko erakundeetako organo sozialetan.
- c) Zuzendari kudeatzailea izendatzea, eta, hark proposatuta, departamentuetako zuzendariak, bai eta haiek kargutik kentzea ere, eta haien ahalmenak, betebeharrak eta ordainsariak zehaztea. Dagokionean, haien aurkako erantzukizun akzioak baliatzea.
- d) Estatutuetako eskubideei eta betebeharrei, lanaren antolamenduari eta bazkideen lan eta diziiplina araubideari lotutako gaiei buruz erabakitzea.
- e) Kooperatibaren jarduna antolatu, zuzendu, kudeatu eta ikuskatzea eta Batzar Orokorrari, jakinaren gainean egon dadin, aurkeztea urteko gestio planak eta epe luzeako plan estrategikoak, Kooperatibaren politika eta estrategia orokorren proposamenarekin, Kontseilu Errektoreak berak onartu ostean.
- f) Kontseilariak karguei uko egiteari, hutsik geratu diren postuak betetzeari eta, oro har, organoaren beraren barne funtzionamenduaren arauketari buruz dagokiona erabakitzea, bai eta gertatzen diren baliorik gabeko erabakien egintzak edota bere eskumenekoak direnak baliatzea ere.
- g) Batzar Orokorrari Estatutu Sozialetan eta Kooperatibako Barne Araudian egoki iruditzen zaizkion aldaketak egitea proposatzea.
- h) Estatutuetako eta araudiko betebeharrak egoki aplikatzeko behar diren edo Batzar Orokorraren erabakiak gauzatzeko eskatzen diren araudi funtzionalak onartzea.
- i) Helburu soziala betetzeko beharrezko edo komenigarri izan

litezkeen egintza eta kontratuak egitea, tartean direla ondasun higiezinak eskuratu edo besterentzea, eskubide errealeen eraketa – hipotekena eta errentamenduko berezia barne–, eta Estatutu hauek kooperatibari baimentzen dizkioten negozio eta eragiketa mota guztiak ebaztea.

- j) Kooperatibari komenigarri dakizkiokeen eta Batzar Orokorrari erreserbatuak ez dauden kreditu, mailegu edo sinadura bermeko operazioak erabakitzea.
- k) Erakunde publiko eta pribatuen aurrean abalak ematea, baita edozein titulu mota erosi, saldu, harpidetu eta gordailatzea ere; tituluak izan daitezke zor publikoarenak, balio higigarri edo higiezinak, betiere zuzenbidean onartuak, eta egoki iruditzen zaion forman afektatu ere egin ditzake.
- l) Ekarpenak harpidetzeko eta Bonu eta Obligazioak jaulkitzeko beharrezko dena erabakitzea, Batzar Orokorrak hartutako erabakien arabera.
- m) Erabilgarri dauden funtsen inbertsioa zehaztea, aurrekontuak egitea, gastuak baimentzea eta Kooperatibaren ahalduak eta ordezkariak izendatzea, bakoitzari kasu bakoitzean egoki iruditzen zaizkion ahalmenak emanez.
- n) Urtero Ohiko Batzar Orokorrari Urteko Kontuak aurkeztea eta soberakin garbien banaketa edo, hala dagokionean, galeren egozketa proposatzea, bai eta bazkide berrientzako hasierako nahitaezko ekarpenak, aldiroko kuotak eta kuota bereziak zehaztea proposatzea ere.
- o) Batzar Orokorrarako deiak egitea, horien prozeduran sortzen diren gaiak ebaztea eta horien erabakiak betearaztea.
- p) Epaitegi eta Auzitegi arrunt edo berezien eta Estatu, Lurralde Administrazio Autonomo, Probintzia edo Udalerriko bulego, agintari, korporazio edo organismoen aurrean Kooperatibari dagozkion eskubide edo akzioak egikaritzeari buruz komenigarri irizten diona erabakitzea, baita errekurtsio arrunt eta bereziak aurkezteari buruz ere, Kooperatibaren ordezkaritza eta defentsa egiteko ordezkari, prokuradore edo abokatuak izendatuta eta pertsona horiei, behar den eran, dagozkien ahalmenak emanda, adiskidetze, espediente, auzi, erreklamazio, errekurtsio edo bestelako jarduketetan eta edozein prozedura egoeratan bat etortzeko edo bertan behera uzteko, prozedura geldiaraztea eskatzeko eta beharrezko izan litekeen guztirako, baita zabaltasun osoz judizialki amore emateko ere.

- q) Funts eta ondasun sozialak erabiltzea, erreklamatzea, jasotzea eta kobratzea, bai partikularrengandik, bai bulego publikoetatik, Kutxa Orokorrean gordailuak eratuz edo erretiratuz, eta interes sozialei komeni zaizkien lekuetan. Bankuko kontu korronteak, eskudiruzkoak, kredituzkoak nahiz baloreetakoak eratzea eta horietatik eskudiru edo balioak ateratzea. Eta oro har entitate nazional edo atzerritarrekin, baita Espainiako Bankuarekin ere, era guztietako eragiketak egitea. Korrespontsalen esku dauden Kooperatibaren funts eta ondasunak eskuragarri izatea. Kanbio letrak, agindurako ordaindukoak eta merkataritzako eta igorpeneko gainerako efektuak libratu, endosatu, abalatu, onartu eta erreklamatu, onarpen edo ordainketa faltagatik eta segurtasun gehiago izateko.
- r) Pertsona jakinei ahalmenak ematea, helburu zehatzetarako edo sozietatearen jardueraren adar zehatz batzuk zuzentzeko.
- s) Hala badagokio, Batzar Orokorrari Kooperatiban konkurtsoa deklaratzeko eta desegiteko proposatzea, eta bere eskumenekoak diren prozesuetako faseak betetzea.
- t) Estatutu hauek interpretatzean sortzen diren zalantzak argitzea eta egingo den lehen Batzar Orokorrari horren berri ematea.
- u) Estatutu hauetan bereziki adierazitakoak.
- v) Kooperatibarentzat sinadura elektronikoa eskatzea eta haren izenean eta hura ordeztuz erabiltzea, erabil daitezkeen ekitaldi guztietarako.

**Hiru.** Kontseilu Errektorearen ahalmenen aurreko zerrenda enuntziatiboa baino ez da, eta ez ditu bere ahalmenak mugatzen Legeak Kooperatibaren beste organo sozial batzuentzat berriaz erreserbatzen dituen kontuetan.

### **33. ARTIKULUA. KONTSEILU ERREKTOREAREN OSAERA ETA BERRITZEA**

**Bat.** Kontseilu Errektoreak 5 kide izango ditu, eta horien artetik lehendakaria, idazkaria eta lehendakariordea izendatuko ditu.

Hala ere, kooperatibak aukeran izango du, egoerak hala eskatzen badu, idazkari kargua bazkide edo kontseilari ez den pertsona batek betetzea. Pertsona horrek ez du ez hitzik ez botorik izango Kontseilu Errektorean.

**Bi.** Batzar Okorrrak aukeratuko ditu Kontseilu Errektoreko kideak eta bere karguak esleitu, isilpeko bozketa bidez, balioz emandako botoen gehiengoarekin.

Euskadiko Kooperatiben 11/2019 Legearen, abenduaren 20koaren, 47.6 artikuluan jasotakoaren arabera, honako hauek osatuko dute Kontseilu Errektorea:

- 3 kide, bazkide kontsumitzaileen taldetik.
- 1 kide bazkide laguntzaileen taldetik. Horrelakorik ezean, leku hori bazkide kontsumitzaileei esleituko zaie.
- Kide 1 lan bazkideen taldetik eta, horrelakorik ezean, bazkide mota horretako pertsonak betetzen ez dituzten lekuak bazkide kontsumitzaileek beteko dituzte.

Horiek guztiak aipatutako bazkide motetako pertsonen artetik aukeratuko dira, estatutu hauetako 8. artikuluan arautzen den eran, isilpeko bozketa partzialetan. Bozketak bertaratutako edo baliozko ordezkapena dutenen bazkideen artean egingo dira, aukeraketa egitea dagokion Batzar Orokorrean, eta aukeraketa hiru urterako izango da. Halere, berriro aukeratu ahal izango dira, epe berdinetarako. Agintaldia amaitutakoan, Kontseilu Errektoreko kideek behin-behinean jarraituko dute karguan, hurrengo Batzar Orokorra egin arte.

Izendapenarekin batera, bazkide mota bakoitzeko ordezeko bat aukeratuko da eta bere izendapena 3 urtean behin berrituko da.

Kooperatiba saiaturiko da organo honetan gizonen eta emakumeen presentzia orekatua izan dadin, eta oreka hori lortzen lagundu dezaten neurriak sustatuko ditu, oreka ezin bete duenean.

**Hiru.** Kontseilu Errektorea partzialki berrituko da urtero jarraian azaltzen den modura.

Bazkide kontsumitzaileen jatorrizko 3 ordezkarietako bat urtero berrituko da, hasierako bi urteetan izan ezik, bere iraunaldi orokorra 3 urtekoa izanik.

Lan bazkideen eta bazkide kolaboratzaileen ordezkariak (edo bere lekua hartu duten bazkide kontsumitzaileak) 3 urtean behin aldatuko dira. Kooperatiba eratu eta bigarren urtean bazkide kolaboratzailea (edo egon ezean bere lekua hartu duen bazkide kontsumitzailea) eta 3 urteren buruan, lan bazkidea (edo egon ezean bere tokia hartu duen bazkide kontsumitzailearena).

Kontseilu Errektoreko kideren baten kargua behin betiko hutsik geratzen denean bazkide motari dagokion ordezekoak hartuko du kargua berehala, Estatutuen arabera ordezkatuari geratzen zaion denborarako.

Lehendakari kargua hutsik geratzen bada, lehendakariordeak hartuko

ditu bere gain haren eginkizunak, lehenengo Batzarra egin arte, han aukeratuko baita lehendakaria.

Prozedura berdina jarraituko da Kontseilu Errektorean gelditzen diren kontseilariekin, horien kopurua ez bada nahikoa organoa baliozkotasunez osatzeko eta ez badaude ordezkioak hutsik dauden karguak betetzeko.

Ordezkorik ez badago, kontseilariak aukeratuak izan diren epean karguak hutsik gelditzen badira gutxiengoan, Kontseilu Errektoreak bazkideen artean izenda dezake kargu hutsa beteko duen pertsona, lehen Batzar Orokorra bildu bitartean.

Kontseilu Errektoreko kide batek karguari uko egitea arrazoitu egin beharko da eta idatziz jakinaraziko zaio Kontseilu Errektoreari, eta horrek zehaztu beharko du ea uko egiteko erabilitako arrazoiak justifikatua den ala ez, eta erabakia idatziz jakinarazi behar zaio interesdunari.

Uko egitearen kalifikazioa errekurritu ahal izango da batzar orokorrean, nahitaezko bajarentzat ezarritako baldintza eta epe berdinetan.

Uko egitearen eragin data Kontseilu Errektoreko kide izateari uko egiten dion pertsonak uko egitearen berri ematerakoan jartzen duena izango da, eta data hori inoiz ezin da izan jakinarazpen data baino lehenagokoa.

Kooperatibak uste badu uko egitea ez dagoela justifikatuta, aukera izango du, hala badagokio, Kontseilu Errektoreko kide izateari uko egiten dion pertsonari dagokion galeren kalte-ordaina exijitzeko.

**Lau.** Ezingo dira Kontseilu Errektoreko kide izan:

- a) Emantzipatu gabeko adingabeak, epaiketa bidez ezgaituak, Konkurtso Legearen arabera desgaituak, konkurtsoa kalifikatzeko epaian ezarritako desgaituntzaldia amaitu arte; askatasunaren, ondarearen edo ordena sozioekonomikoaren kontrako delituengatik kondenatuak, segurtasun kolektiboaren kontrako delituengatik kondenatuak, Justizia Administrazioaren kontrako delituengatik kondenatuak edo edozein faltsukeriagatik kondenatuak, baita haien kargua dela-eta merkataritzan ezin jardun dezaketenak ere.
- b) Funtzionarioak eta Administrazio publikoaren zerbitzuko langileak, dena delako sozietatearen berezko jarduerekin zerikusia duten funtzioak baldin badituzte, epaile eta magistratuak, eta legezko

bateraezintasun batek ukitutako gainerako pertsonak.

- c) Bere edo besteren kontura arituz kooperatibarekin lehian dauden jarduerak egiten dituztenak, edo modu batera edo bestera kooperatibaren interesen aurkako interesak dituztenak, Euskadiko Kooperatiben 11/2019 Legearen, abenduaren 20koaren, 49.4 artikuluan xedatutakoaren kalterik gabe.
- d) Zaintza Batzordeko kideak, eta zuzendari edo gerenteak.
- e) Lan bazkide izateko hautagaiak.
- f) Eszedentzian dauden lan bazkideak eta eszedentzian dauden bazkideak.

**Bost.** Batzar Orokorrak erabaki dezake, Gai Zerrendan agertu beharrik gabe, Kontseilu Errektorea osatzen duten pertsona guztiak edo batzuk kargutik kentzea, nahiz eta kasu horretan bertaratutakoen eta ordezkaturakoen botoen bi hereneko gehiengo kualifikatua behar izan kargugabetze horiek onartzeko.

Kontseilu Errektoreko pertsona bat edo batzuk kargutik kentzen direnean, bilera berean aukeratuko dira kargu horiek hartuko dituzten eta administrazio organoko kide izango diren pertsona berriak.

**Sei.** Kontseilu Errektoreko kideek beren kargua uzteak, edozein delarik arrazoia, Kooperatiben Erregistroan inskribatzen den unetik izango du eragina hirugarrenen aurrean.

#### **34. ARTIKULUA. KONTSEILU ERREKTOREAREN FUNTZIONAMENDUA**

**Bat.** Kontseilu Errektorea hilean behin bilduko da, kontseilua osatzen duten pertsona guztiak edo horietako gehienak oporretan dauden hilean izan ezik, eta betiere lehendakariak bere ekimenez deitzen badu edo kontseilarien heren batek gutxienez eskaera arrazoitua egiten badu, eta bilkuretan beren eskumeneko gai guztiak aztertu eta erabaki ahal izango dira.

**Bi.** Kontseilu Errektorearen bilerak lehendakariak deituko ditu, idatziz, Kontseilua osatzen duten pertsona guztiei zuzenduta, gutxienez 5 egun lehenago. Premiazko bilerak, berriz, gutxienez egun bat lehenago deitu ahal izango dira.

Zuzendari kudeatzaileak ere deitu ahal izango du, boto eskubiderik gabe.

Lehendakariak zazpi eguneko epean ez badio erantzuten aurreko atalean aurreikusitako ezohiko deialdiaren eskaerari, eskari arrazoitua

egin duenak deitu ahal izango du Kontseilu Errektorea, betiere gutxienez Kontseilu Errektoreko %40ren atxikimendua badu.

**Hiru.** Kontseilu Errektorea baliozkotasunez eratuko da bilerara kontseilarien erdiak baino gehiago bertaratzen direnean. Kontseilariak pertsonalki parte hartuko dute, eta betebeharrak hori ezin izango da delegatu, eta erabakiak bertan dauden kideen botoen erdiarekin baino gehiagorekin hartuko dira. Boto zuriak eta abstentzioak ez dira zenbatuko. Kontseiluko kide bakoitzak boto bat izango du. Lehendakariaren botoak berdinketak ebatziko ditu.

Geografikoki urruti dauden Kontseilu Errektoreko kideek parte hartu ahal izango dute, betiere horretarako borondatea adierazten badute, eta, horretarako, erabakiak baliozkotasunez hartzeko, irudiaren eta soinuaren bi noranzko eta aldibereko komunikazioa ahalbidetuko da, ikusizko, entzumenezko eta ahozko interakzioa ahalbidetuko duen bideokonferentzia edo antzeko sistema baten bidez, betiere Kontseiluak onartu badu.

Kontseilu Errektoreko kideren batek organo horren bileretan aurreko paragrafoan adierazitako moduan parte hartzen badu, idazkariak aktan jasoko du haren nortasuna eta bertaratzeko erabilitako bitartekoa, erabakiak balioz hartzeko eskatzen diren gainerako baldintzekin batera.

**Lau.** Bileraren akta lehendakariak eta idazkariak sinatuko dute, eta labur-zehatz jasoko dira eztabaidak, erabakien testua eta bozketen emaitzak, eta Kontseilu Errektorearen Akta Liburuan jasoko da.

**Bost.** Kontseilu Errektoreak kontseilari delegatu bat izendatu ahal izango du bere baitan. Horretarako, kideen bi herenen aldeko botoa beharko da, eta notario aurrean formalizatu beharko da, baina ez du ondoriorik izango Euskadiko Kooperatiben Erregistroan inskribatu arte.

Inola ere ezingo dira delegatu ez Batzar Orokorrari kontuak ematea ez urteko kontuak aurkeztea, ez eta Batzar Orokorrak Kontseilu Errektoreari ematen dizkion ahalmenak ere, Batzar Orokorrak berariaz baimentzen duenean izan ezik.

**Sei.** Kontseilu Errektoreak bertaratutakoen bi herenen aldeko botoak behar izango ditu, gutxienez, erabaki hauek hartzeko:

- a) Jarduera zentro nagusi bat edo haren zati garrantzitsu bat itxi eta lekuz aldatzea.
- b) Kooperatibaren jarduera murriztu, zabaldu edo nabarmen aldatzea.

- c) Kooperatibaren antolamenduan aldaketa garrantzitsuak egitea.
- d) Kooperatiba diren edo ez diren beste entitate batzuekin lankidetzaren harremanak egin edo azkentzea, betiere lankidetzaren harreman horiek iraunkorrak eta baliagarriak gertatzen badira Kooperatibarentzat.
- e) Legeak hala ezartzen duenean.

**Zazpi.** Kontseilu Errektorearen ahalmenen bat Batzorde Betearazleari edo kontseilari delegatu bati eskuordetzan emateko, baita kargu horiek beteko dituzten Kontseiluko kideak izendatzeko ere, Kontseilu Errektorea osatzen duten kideen bi herenen aldeko botoa beharko da baliozkoa izan dadin, eta ez du ondorioz izango Euskadiko Kooperatiben Erregistroan inskribatu arte.

Inola ere ezingo dira eskuordetu ez Batzar Orokorrari kontuak ematea ez urteko kontuak aurkeztea, ez eta Batzar Orokorrak Kontseilu Errektoreari ematen dizkion ahalmenak ere, Batzar Orokorrak berariaz baimentzen duenean izan ezik.

### 35. ARTIKULUA. KONTSEILU ERREKTOREARI BURUZKO XEDAPENAK

**Bat.** Kontseilu Errektoreko lehendakariari dagokio:

- a) Kooperatiba ordezkatzeko, Kontseilu Errektorearen izenean, gaia edozein dela ere, eta baita Kontseiluaren eta Batzar Orokorraren bileren buru izatea ere.
- b) Ahalordeak ematea eta dokumentuak izenpetzea, publikoak edo pribatuak, Batzar Orokorrak edo Kontseilu Errektoreak hartutako erabakiak betetz.
- c) Bere botoarekin erabakiak hartzeko unean Kontseilu Errektorean egon daitezkeen berdinketak ebaztea.
- d) Urgentziazko erabakiak hartzea, horien berri eman beharko duelarik berehala Kontseilu Errektoreak egiten duen lehen bileran.
- e) Kontseilu Errektoreak eskatzen dizkion ekintzak, gestioak eta zereginak egitea.

**Bi.** Lehendakariordeak lehendakaria ordeztuko du eta lehendakariari esleitutako funtzioak egingo ditu hori ez dagoenean. Halaber, Kontseilu Errektoreak eta lehendakariak agintzen dizkion egitekoak eta gestioak egingo ditu, bereziki lehendakariak Kontseilu Errektoreko beste kide batzuegan eskuordetu ditzakeen gestioak.

**Hiru.** Idazkariak funtzio hauek izango ditu:

- a) Espedienteak osatzea eta horiek behar den bezala izapidetzea.
- b) Lehendakariarentzat edo lehendakariordearentzat erreserbatuta ez dauden gutunak eta dokumentuak sinatzea.
- c) Batzar Orokorren eta Kontseilu Errektoreen deialdiak idaztea eta abiaraztea.
- d) Aipatutako organoen saioen aktak jasotzea.
- e) Batzar Orokorren eta Kontseilu Errektorearen artxiboa, erregistro liburuak eta akta liburuak gordetzea.
- f) Kooperatibaren liburuen eta dokumentuen ziurtagiriak ematea, lehendakariaren oniritziarekin.
- g) Kontseilu Errektoreak esleitzen dizkionak.

### **36. ARTIKULUA. KONTSEILU ERREKTOREKO KIDEEN ERANTZUKIZUNAK ETA ERANTZUKIZUN AKZIOA**

- Bat.** Kontseilu Errektorea osatzen duten pertsonak ez dute karguagatik ordainsari berezirik jasoko, funtzio horiek doan betetzen baitira, baina horretan jarduteagatik sortzen diren gastuak konpentsatuko zaizkie.
- Bi.** Kontseilu Errektoreko kideek beren kargua bete beharko dute eta legeak eta estatutu sozialek ezarritako betebeharrak bete beharko dituzte enpresaburu ordenatu baten arduraz, kontuan hartuta karguaren izaera eta horietako bakoitzari esleitutako eginkizunak; horretarako, Kooperatiba behar bezala kudeatzeko eta ordezkatzeko behar diren neurriak hartuko dituzte.
- Ordezkarik zintzo baten leialtasunez beteko dute beren kargua, fede onez jardungo dute kooperatibaren interesaren mesedetan, eta beren ahalmenak ez dituzte erabiliko eman zaizkien helburuetarako ez diren beste batzuetarako.
- Hiru.** Kontseilariak, beren funtzioak amaitu eta gero ere, sekretupean gorde behar dituzte isilpeko datuak, Legeak bestelakoa ahalbidetzen edo agintzen duenean salbu.
- Lau.** Kontseilariak ez dute beren edo besteren konturako jarduerarik egingo, baldin eta Kooperatibarekin lehian sartzen badira edo, beste edozein modutan, Kooperatibaren interesekin gatazkarik sortzen badute.
- Gatazko egoera horietan sartuta dagoen kontseilariak ezingo du parte hartu dagokion bozketan.
- Aipaturiko baimenik gabe gauzaturiko egintzak, kontratuak eta

eragiketak deuseztatu ahal izango dira, salbu eta hirugarren ez bazkide onustedunek eskuraturiko eskubideen kasuan.

**Bost.** Kontseilariak, doloz edo erruz esku hartu duten guztietan, legearen edo estatutu sozialen aurkako egintzen ondorioz edo karguari datxezkion eginbeharrak ez betetzeagatik egindako kalteen erantzukizuna izango dute.

Ekintza egin edo erabaki kaltegarria egin zuen organoko kide guztiek dute erantzukizun solidarioa, salbu eta frogatzen badute erabakia hartzen edo gauzatzen ez zutela parte hartu, eta ez zekitela edo, jakitekotan, ahal zuten guztia egin zutela kaltea ekiditeko, edo, behintzat, berariaz egin zutela aurka.

Egintza edo erabaki kaltegarria Batzar Orokorrak onartu, baimendu edo berretsi izanak ez du erantzukizunetik salbuetsiko.

**Sei.** Kontseilu Errektoreko kideei erantzukizunak eskatzeko akzio soziala Kooperatibak gauzatu ahal izango du, aurrez Batzar orokorrak gehiengo soilez erabakita, nahiz eta gai zerrendan halakorik agertu ez. Batzar Orokorrak edonoiz eman ahal izango dio baiezkoa nahiz ezezkoa akzioa aurrera eramateari. Batzar Orokorrak akzioa bultzatzea edo aurrera eramatea onartzea erabakiz gero, eragindako Kontseilu Errektoreko kideak kargutik kanpo geratuko dira automatikoki.

Erabakia hartu ondoko hiru hilabeteetan Kooperatibak berak erantzukizuneko akziorik hasiko ez balu, edozein bazkidek egin ahal izango luke. Halaber, sozietatearen interesaren alde, botoen ehuneko hogeiei ordezkatzeko duten bazkideek ere hasi ahal izango dute erantzukizun akzioa, baldin eta kontseilariak ez badute deitzen horretarako eskaturiko Batzar Orokorra.

**Zazpi.** Akzioa iraungita geratuko da baldin eta bi urte igaro badira erantzukizun akzioa eragin zuten egintzak gertatu edo ezagutu zirenetik.

**Zortzi.** Aurreko paragrafoetan xedatutakoa gorabehera, salbu geratzen dira bazkideei eta bazkide ez diren hirugarrenei dagozkien banakako akzioak, beren interesak zuzenean kaltetzen dituzten kontseilarien egintzen ondoriozkoak.

### **37. ARTIKULUA. ERABAKIAK AURKARATZEA**

**Bat.** Kontseilu Errektorearen erabakiak edo, hala badagokio, batzorde betearazlearenak aurkaratu ahal izango dira, baldin eta Legearen edo estatutu sozialen aurkakoak badira edo Kooperatibaren kaltetan hartu

badira bazkide baten edo gehiagoren zein bazkide ez direnen mesedetan.

Ez da egokia izango ondoriorik gabe utzi den edo beste akordio batek baliozkotasunez ordeztu duen akordio bat aurkaratzea.

**Bi.** Aurkaratze akzioa honako hauek egikaritu ahal izango dute legez:

- a) Edozein bazkide, horren berri izan eta 60 eguneko epean, baldin eta erabakia hartu zenetik urtebete igaro ez bada.
- b) Kontseilu Errektoreko edo Zaintza Batzordeko kideak, erabakia hartu eta 60 eguneko epean.

**Hiru.** Aurkaratzeak zehaztuta dauden ondorioak izango ditu, eta Batzar Orokorraren erabakiak aurkaratzeko erabakitako bidetik izapidetuko da.

### **38. ARTIKULUA. ZUZENDARI KUDEATZAILEA. IZENDAPENA ETA KARGUGABETZEA. BETEBEHARRAK ETA ERANTZUKIZUNAK.**

**Bat.** Kontseilu Errektoreak zuzendari gerente bat izendatu ahal izango du Kooperatibaren jarduera profesionalizatua kudeatzeko.

**Bi.** Zuzendari kudeatzailearen izendapena eta funtzioak arau hauen menpe egongo dira:

- a) Bere eskumenak beti Kontseilu Errektoreak eskuordetutakoak izango dira. Kontseiluak kontrol iraunkor eta zuzena egingo dio eta aipatu organo sozialak onartutako kudeaketa helburuak betetzeko exijituko dio.
- b) Halaber, Kontseilu Errektorea izango da organo eskumenduna zuzendari kudeatzailearen kargua betetzen duen pertsona izendatzeko eta kargugabetzeko. Izendapena eta kargugabetzea Kooperatiben Erregistroan inskribatuko dira, eman zaizkion eskumenen ahalordetze eskriturarekin batera.
- c) Zuzendari kudeatzailea bazkide erabiltzaile edo lan bazkide edo kanpokoak izan daiteke.
- d) Zuzendari kudeatzaileari Kontseilu Errektorearentzako aurreikusitako arauak aplikatuko zaizkio, erantzukizun akzioa aipatu organo sozialak baliatu ahal izango badu ere, Batzar Orokorraren erabaki sozialak aurkaratzeko jarritako epe berdinen barruan.
- e) Euskadiko Kooperatiben 11/2019 Legeko, abenduaren 20koaren, 44. artikuluan aurreikusitako debekuak eta bateraezintasunak

dituzten pertsonak ezin dira izan zuzendari kudeatzaile, ezta Kooperatibako organo sozial bateko kide direnak ere.

### 39. ARTIKULUA. ZAINZA BATZORDEA

- Bat.** Batzar Orokorrak estatutu hauen arabera bateraezintasunik ez duten edo eskubideak ahalgabetuta ez dituzten bazkideen artetik 3 kide izendatuko ditu, eta horiek Zaintza Batzordea eratuko dute, eta ordezkioak ere izendatu ahal izango ditu, hiru urteko epealdi baterako, horietako lehen pertsona kooperatiba eratu eta 2 urteren buruan aldatuko delarik.
- Bi.** Zaintza Batzordea osatzen duten kideak berraukeratu ahal izango dituzte, eta erantzukizun, ezgaitasun, debeku, ordainsari eta inskripzio arauen menpe geratuko dira, estatutu hauek eta Legeak Kontseilu Errektoreko kideentzat ezarritakoaren arabera.
- Hiru.** Zaintza Batzordeak lehendakari bat eta idazkari bat izendatuko ditu. Urtean 4 aldiz elkartuko da, lehendakariak aurrez deituta. Halere, Kontseilu Errektoreko edo Zaintza Batzordeko edozein kidek idatziz eskatu diezaioke organo horretako lehendakariari bilera deitzeko, eskaeraren zergatiak adierazita. Eskaera gutxienez Kontseilu Errektorea edo Zaintza Batzordea osatzen duten kideen gutxienez heren batek egin bada eta hilabeteko epean deitzen ez bada, talde eskatzaileetako edozeinek egin ahal izango du deia.
- Lau.** Kontseilu Errektoreak Zaintza Batzordeari Kooperatibaren jardueren eta ustez izango duen bilakaeraren berri eman beharko dio, hiru hilabetearen behin gutxienez.
- Bost.** Zaintza Batzordea balioz eratuko da bilerara kideen erdia baino gehiago agertzen denean. Bertaratzea pertsonala eta eskuordezina izango da, eta bileran dauden Zaintza Batzordeko kideen botoen erdiak baino gehiagok hartuko ditu erabakiak. Kontseiluko kide bakoitzak boto bat izango du. Lehendakariaren botoak ez ditu berdinketak ebatziko. Boto zuriak eta abstentzioak ez dira zenbatuko.
- Sei.** Bileraren akta lehendakariak eta idazkariak sinatuko dute, eta labur-zehatz jasoko dira eztabaidak, erabakien testua eta bozketen emaitzak, eta akta liburuan jasoko da.
- Zazpi.** Zaintza Batzordeak honako eginkizun hauek betetzeko ahalmena du:
- a) Urteko kontuak berrikustea eta horiei eta soberakinak banatzeko edo galerak egozteko proposamenari buruzko nahitaezko txostena egitea Batzar Orokorrari aurkeztu baino lehen, salbu eta

kooperatibak bere finantza egoeraren kontu auditoretza egin behar duenean.

- b) Kooperatibaren liburuak berrikustea.
- c) Kooperatibaren intereserako beharrezkotzat jotzen duenean, Batzar Orokorrerako deialdia egitea, baldin eta kontseilariak bazkideek aurrez egindako eskariari ez badiote jaramonik egin ezarritako epeetan, Euskadiko Kooperatiben 11/2019 Legearen, abenduaren 20koaren, 35. artikuluko 2. eta 3. ataletan xedatutakoaren arabera.
- d) Ordezkaritza idazkien egokitasuna gainbegiratzea eta kalifikatzea, eta, oro har, batzarretara joateko eskubideari buruzko zalantzak edo intzidentziak ebaztea.
- e) Akordio sozialak aurkaratzea, Euskadiko Kooperatiben 11/2019 Legean, abenduaren 20koan, xedatutako kasuetan.
- f) Batzar Orokorrari ematea Batzarrak berak eskatutako egoera edo gai zehatzei buruzko informazioa.
- g) Batzar Orokorrak gainerako organoak osatzen dituzten pertsonak hautatzeko eta izendatzeko prozesua zaintzea.
- h) Estatutuetoako 33.4 artikuluko ezintasun edo debeku arrazoiren batean sartu diren kontseilarien jarduna etetea, eta, hala badagokio, Batzar Orokorra egin arte ezinbestekoak diren neurriak hartzea.
- i) Euskadiko Kooperatiben 11/2019 Legeak, abenduaren 20koak, berariaz esleitzen dizkion gainerako eginkizunak.

**Zortzi.** Kooperatibak bere egoera orri finantzarioak ikuskatu behar dituenean, kideek egoki baderitzote, Zaintza Batzordeak kontabilitate euskarri desberdinak aztertu ahal izango ditu, eta, hala badagokio, horiei buruzko txostena egin. Dena den, txosten hori ez da nahitaezkoa izango kooperatibaren urteko kontu ikuskatuak onartzeko.

Era berean, urteko kontuak ikuskatu arren, Zaintza Batzordeak soberakinak banatzeko edo galerak egozteko proposamenari buruzko txostena egin ahal izango du.

Kasu bietan, Zaintza Batzordeak kontseilariari jakinarazi beharko die Kooperatibaren urteko kontuei eta soberakinak banatzeko edo galerak egozteko proposamenari buruzko nahitaezko txostena aurkezteko asmoa duela, bazkideek ohiko Batzar Orokorraren deialdia argitaratzen den unean bertan aztertu ahal izan dezaten.

**Bederatzi.** Likidazio aldian, Zaintza Batzordeak aurreko artikuluan adierazitako

eginkizunak baino ez ditu beteko, baldin eta aldi horretan egokiak badira.

## V. KAPITULUA. KOOPERATIBAREN EKONOMIKOA

## ARAUDE

### 40. ARTIKULUA. ERANTZUKIZUNAK

- Bat.** Bazkideek ez dute pertsonalki erantzungo sozietateren zorrengatik. Zor horiengatik duten erantzukizuna kapital sozialerako izenpetu zituzten ekarpenetara mugatzen da.
- Bi.** Itzuli beharreko ekarpenen zenbatekoa zehaztu ondoren, baja ematen duten bazkideek ez dute inolako erantzukizunik izango baja eman aurretik kooperatibak egin zituen zorrengatik.
- Hiru.** Bazkideek, baja eman eta gero ere, erantzukizuna izango dute baldin eta kontratuak izenpetu edo betebeharrak hartu badituzte, berariaz eta espresuki, sozietate kooperatiboarekin, eta betebeharrak horiek ez badira azkentzen, beren izaera dela-eta, bazkide izateari utzi eta gero.

### 41. ARTIKULUA. KAPITAL SOZIALA

- Bat.** Bazkideek kapital sozialari egiten dizkioten ondare ekarpenek -izan nahitaezkoak edo izan borondatezkoak- osatuko dute kooperatibaren kapitala.
- Bi.** Kooperatibaren gutxieneko kapital soziala 3.000 eurokoa dela zehazten da.
- Hiru.** Kapital sozialerako ekarpenak partaidetza libreta izendunen bitartez egiaztatzen dira.
- Lau.** Ekarpenak egiteko, legezko dirua erabili beharko da, salbuespenez ondasunak edo eskubideak ere erabili ahal izango direlarik. Kasu horretan, Kontseilu Errektoreak zehaztuko du balioa, horretarako izendatutako aditu independente batek aurrez txosten bat eginda.
- Bost.** Bazkideek kapital sozialera egiten dituzten ekarpenak honelakoak izan daitezke:
- a) Euskadiko Kooperatiben 11/2020 Legearen, abenduaren 20koaren, 60.1.a artikulua araberak, baja kasuan itzultzeko eskubidea duten ekarpenak. Aipatutako ekarpenak honako hauek izango dira: edozein motatako bazkideek egindako borondatezko ekarpenak.
  - b) Kontseilu Errektoreak baldintza gabe ukatuz gero itzultzeko

eskubiderik ez duten ekarpenak, Euskadiko Kooperatiben 11/2019 Legearen, abenduaren 20koaren, 60.1.b artikularen arabera. Aipatutako ekarpenak honako hauek izango dira:

1. Bazkide kontsumitzaileen hasierako nahitaezko ekarpenak.
2. Bazkide laguntzaileen hasierako nahitaezko ekarpenak.
3. Lan bazkideen hasierako nahitaezko ekarpenak.

Baja kasuan itzultzeko eskubidea duten ekarpenak nahitaez bihurtu ahal izateko kooperatibak baldintza gabe ukatuz gero itzultzeko eskubiderik ez duten ekarpen, edo alderantzizko biharketa egiteko, Estatutuak aldatzeko erabakia beharko da. Bazkideren bat ez badago ados horrekin, baja eman ahal izango du, eta baja hori justifikatutzat joko da.

## **42. ARTIKULUA.      KAPITAL SOZIALERAKO NAHITAEZKO EKARPENAK.**

**Bat.**      Hasierako nahitaezko ekarpena desberdina izan daiteke bazkide motaren arabera, eta honela zehazten da:

- Bazkide kontsumitzailea pertsona fisikoak:      berrogeitahamar (50) euro.
- Bazkide kontsumitzaile pertsona juridikoak:      ehun (100) euro.
- Lan bazkide mugagabeak:      berrogeitahamar (1.000) euro.
- Bazkide laguntzaileak, pertsona fisikoak: berrogeitahamar (50) euro.
- Bazkide laguntzaileak, pertsona juridikoak:      mila (1.000) euro.

Bazkide bakoitzak kapital sozialera egin beharreko gutxieneko nahitaezko ekarpena une bakoitzean indarrean dagoen hasierako nahitaezko ekarpenaren ehuneko ehuna izango da, bazkide mota bakoitzerako, artikulua honetako Lau atalean aurreikusitakoaren arabera.

**Bi.**      Bazkide izaera lortzeko hasierako nahitaezko ekarpena osorik izenpetu eta ordaindu beharko da onarpenaren unean; baldintza hori bete ezean, ez da Bazkideen Erregistro Liburuan inskribatuko.

**Hiru.**      Bazkideei egotzitako kooperatibaren galerengatik edo estatutuetan aurreikusitako zehapen ekonomikoarengatik bazkide batzuek kapital sozialean duten ekarpena estatutu sozialetako artikulua honetako Bat atalean adierazitako gutxieneko kopuruaren azpitik gelditzen bada, egoera horretan dauden bazkideek kopuru horretara iristeko behar duten ekarpena egin beharko dute eta, horretarako, Kontseilu Errektoreak berehala eskatuko die bazkideei ekarpena egiteko.

Aipatutako ekarpena hiru hilabeteko epean ordainduko da, Kontseilu Errektoreak eskaera egun zuen egunetik kontatzen hasita.

**Lau.** Batzar Orokorrak urtero bazkide berriek hasieran nahitaez egin beharreko ekarpenaren zenbatekoa zehaztuko du eta nahitaezko ekarpen berriak egin beharra ere erabaki ahal izango du, ekarpenen izaera eta zenbatekoa zehaztuz, zeina desberdina izan daitekeen bazkide mota desberdinentzat. Momentu horretan, ordainketa egiteko epeak eta baldintzak ere zehaztu beharko dira. Ados ez dagoen bazkideak baja hartu ahal izango du, eta baja hori justifikatutzat hartuko da.

Batzar Orokorrak bazkideek egin beharreko nahitaezko ekarpen berriak onartuko balitu, kooperatiban lehenagoko borondatezko ekarpenak baleude, lehendik zeuden borondatezko ekarpenek bazkidearen nahierara nahitaez egin beharreko ekarpen berriak estali ahal izango dituzte, betiere Kontseilu Errektoreari hala eskatuta, hamar eguneko epean, erabakia hartu zen datatik kontatzen hasita, bertaratutako bazkideei dagokienez, eta batzarrean egon ez ziren bazkideentzat kontaketa erabakiaren berri izan zuten datan hasiko delarik.

**Bost.** Eskatutako ekarpenak ordaintzeko berandutzarik badago bazkideren baten aldetik, aurreko ataletan ezarritakoaren arabera, Kooperatibari legezko interesa ordaindu eta berandutzaren ondorioz egindako kalteen eta galeren ordaina eman beharko dio. Bazkideak bere egoera zuzentzeko agindua jaso eta hurrengo hirurogei egunetan ez badu zuzendu:

- a) Nahitaezko baja eman ahal izango zaio, bazkide izateko hasierako nahitaezko ekarpenaz ari bagara edo artikuluko honetako Hiru atalak Bat atalari egiten dion aipamenean esaten den gutxieneko zenbatekoaz badihardugu, edo
- b) Gainerako kasuetan, kooperatibatik kanporatu ahal izango dute.

#### **43. ARTIKULUA. BORONDATEZKO EKARPENAK**

**Bat.** Batzar orokorrak erabaki ahal izango du bazkideek kapital sozialari borondatez egindako ekarpenak onartu ala ez, kontzeptu hauen baldintzak zehaztuta gutxienez:

- Ordaintzeko epea
- Interes tasa
- Eguneratzea

- Itzulketa
- Eskualdagarritasuna

zeinak nahitaezko ekarpenak baino onuragarriagoak izan baitaitezke, betiere diruaren legezko interesa gainditu gabe.

- Bi.** Kontseilu Errektoreak bazkideen borondatezko ekarpenak onartu ahal izango ditu, ordainsari mugak eta muga kuantitatiboak errespetatuz, Euskadiko Kooperatiben Legearen, abenduaren 20koaren, 62.2 eta 60.5 artikuluetan xedatutakoaren arabera.

#### **44. ARTIKULUA. EKARPENAK EGUNERATZEA**

- Bat.** Kooperatibaren balantzea zuzenbide erkideko sozietateentzat xedatutako termino eta baldintza berekin erregularizatuko da.

- Bi.** Balantzea erregularizatzearen ondoriozko gainbalioa, ekitaldi batean edo gehiagotan, lehenik eta behin, dauden galerak konpentsatzeko erabiliko da, eta gainerakoa, halakorik badago, Batzar Orokorrak erabakitako zenbatekoetan, kapitala eguneratzera edo erreserbak handitzera, nahitaezkoak nahiz borondatezko banaezinak izan.

#### **45. ARTIKULUA. EKARPENEN INTERESA**

Bazkide kontsumitzaile, laguntzaile eta langileek Kapital Sozialera egindako hasierako nahitaezko ekarpenek ez dute inolako interesik sortuko. Gainontzeko ekarpenek, aldiz, ez dute sekula gaindituko diruaren legezko interesa.

#### **46. ARTIKULUA. EKARPENAK ESKUALDATZEA**

- Bat.** Ekarpenak inter vivos egintzen bidez eta mortis causa ondoretzaren bidez eskualdatu daitezke.

Titularren bajaren ondoren, Kooperatibak itzultzea ukatu duen ekarpenak badaude, bazkide berrien hasierako nahitaezko ekarpenak baja hartu duen bazkidearen ekarpenak eskuratuz egin beharko dira.

Eskualdaketa ekarpen mota horiek itzultzeko eskarien antzinatasunaren arabera egingo da; eskariak data berean egiten diren kasuan, berriz, ekarpenen zenbatekoaren arabera egingo da.

- Bi.** Inter vivos egintzen bidez, bazkideen eta hurrengo hiru hilabeteetan bazkide izateko konpromisoa hartzen dutenen artean, honako arau hauen arabera:

- bazkide izateko konpromisoa hartu duen pertsonari eskualdatzeko baldintza izango da hura egiazki bazkide izateko onartzea;

- eskualdatzen duen bazkidearen ekarpena ezin da gelditu une bakoitzean indarrean dagoen hasierako nahitaezko ekarpena baino beherago;
- eskualdatutako ekarpena eskuratu duenak bere hasierako nahitaezko ekarpena estaltzeko erabili ahal izango du;
- adostutako eskualdaketak Kontseilu Errektoreari jakinaraziko zaizkio, berretsi, kontrolatu eta erregistra ditzan.

**Hiru.** Mortis causa oinordetzaren bidez, kausadunei, bazkideak badira eta eskatzen badute, edo, bazkide ez badira, bazkidetzat onartu ondoren, heredatzen duenak heriotza gertatu eta hurrengo 3 hilabeteko epean eskatuta.

**Lau.** Bazkideen hartzekodun pertsonalek ez dute inongo eskubiderik izango Kooperatibaren ondasunen gainean eta bazkideek kapital sozialari egindako ekarpenen gainean, biak ala biak ezin enbargatuzkoak baitira. Horrek ez ditu eragotziko hartzekodunek balia ditzaketen eskubideak, hau da, bazkidearenak diren itzulketen, interesen eta itzulkinen gainean dituen eskubideak.

#### **47. ARTIKULUA. EKARPENAK ITZULTZEA**

**Bat.** Bazkide izateari uzten zaion kasu guztietan, bazkideak edo haren kausadunek bere ekarpen kooperatiboen itzulketa eskatzeko ahalmena dute, baja egunean zeukaten balioarekin eta legezko xedapenetan ezarritako betekizunekin.

Hala ere, Kontseilu Errektoreak baldintzarik gabe ukatu ahal izango du Estatutu hauetako 41. Bost.b) artikuluan adierazitako nahitaezko ekarpenen itzultzea.

Edonola ere, Kontseilu Errektoreak baldintzarik gabe ukatuko du edozein ekarpen itzultzea baldin eta horrek Kooperatibari jarritako ratioaren edo erreferentziaren estaldura nahikoa ez izatea badakar.

Itzultzeko sistemak arau hauei jarraituko die:

- a) Kontseilu Errektoreak itzulketa eskaera onartzea erabakitzen badu, itzulketa egiteko epea ez da bost urtetik gorakoa izango, akordioa egiten den egunetik zenbatzen hasita, edo urtebetetik gorakoa, itzulera bazkidea hiltzen delako bada. Erabaki hori Kontseilu Errektorearen eskumena izango da.
- b) Kontseilu Errektoreak erabakitako itzulketak eskaeren antzintasunaren arabera egin behar dira. Ekarpen sozialak itzultzeko baldintzak zehazteari buruzko gainerako berezitasunak

ere Kontseilu Errektorearen esku egongo dira.

- c) Kooperatibak itzulketa adostu duen ekarpenetan, ordaintzeke dauden kopuruek eskubidea emango dute ekitaldi ekonomiko bakoitzaren hasieran indarrean zegoen diruaren legezko interesa jasotzera, baina ezin izango dira eguneratu.
- d) Kontseilu Errektoreak itzulketa ukatzea erabakitzen badu, une horretatik eta itzultzea ukatutako ekarpenik dagoen bitartean, Kooperatibako organo sozialek honako erabaki hauek hartu beharko dituzte, 2 hilabete baino gutxiagoko epean (hautazkoa):
  - %0ko interes tasa ezartzea bazkideek kapitalera egindako ekarpenen ordainsari gisa.
  - Soberakin guztiak Nahitaezko Erreserba Funtsera eta/edo Borondatezko Funts Banaezinetara bideratzea, Nahitaezko Funtsetara bideratu beharreko zenbatekoak kenduta.
  - Itzultzeko eskaera berririk ez onartzea.

Itzuli beharreko Ekarpenen zenbatekoa baja gertatzen den ekitaldiaren itxierako Balantzearen arabera ebaluatuko da, eta aipatutako bajaren datan kalkulatu da.

Batzar Orokorrak erabaki ahal izango du bazkideen kapital soziala murriztea, egokitze jotzen diren zenbatekoetan, eta, edonola ere, bazkideek mantendu egin beharko dituzte Kooperatiban mota bakoitzerako indarrean dauden gutxieneko nahitaezko ekarpenak. Egoera horretan, Batzar Orokorrak zehaztuko du bazkide bakoitzari itzuli beharreko zenbatekoa eta itzultzeko epea.

**Bi.** Baja justifikatua bada edo heriotzagatik gertatu bada, ekarpenei ez zaie inolako kenketarik egingo.

Gainerako kasuetan, Kontseilu Errektoreak kenkari bat adostu ahal izango du:

- %30eraino, kanporatzeagatik baja kasuetan,
- gehienez ere %20, justifikatu gabeko bajetan, borondatezkoa zein nahitaezkoa izan.

Kenkaria, bazkidearen nahitaezko ekarpenen likidazio zenbatekoaren gainean aplikatuko da; borondatezko ekarpenak eta itzulkin kooperatiboen bidez kapitalizatu direnak ez dira inolaz ere kenkarien xede izango.

**Hiru.** Baja izan den bazkideari itzuli beharreko ekarpenari egingo zaion kenkariari begira, betiere baja izan den ekitaldiko itxiera balantzean

agertzen diren galerak zenbatuko dira, izan ekitaldi horretakoak edo izan aurrekoetakoak edo oraindik konpentsatu gabe daudenak, kapital sozialerako ekarpenen mugaraino.

#### 48. ARTIKULUA. PARTAIDETZA BEREZIAK

- Bat.** Partaidetza berezitzat hartzen dira Euskadiko Kooperatiben Legearen, abenduaren 20koaren, 67. artikuluan xedatutako erregulazioari atxikitako menpeko finantzaketak, non nabarmentzen baita finantzaketa horiek ezingo direla itzuli jaulkipenetik edo kontratazio datatik gutxienez bost urte igaro arte, eta haien ordainketa kooperatibaren emaitzen arabera finkatuko dela.
- Bi.** Batzar Orokorraren eskumena da partaidetza bereziak onartzea, eta dagokion erabakian zera zehaztuko du:
- a) kontratazioaren edo jaulkipenaren zenbatekoa eta baldintzak, zeinak ezingo dituzten inola ere Batzar Orokorrean botoa emateko edo Kontseilu Errektorean parte hartzeko eskubideak eman, eta
  - b) bazkideei eta soldatapeko langileei eskainitako zenbatekoa, hirugarrenei eskaini aurretik, guztizkoaren %50 baino txikiagoa izango ez dena.

#### 49. ARTIKULUA. ALDIZKAKO KUOTAK ETA EZOHIAK

- Bat.** Batzar Orokorrak aldizkako kuotak zehaztu ahal izango ditu, eta bazkideek ordaindu beharko dituzte aipatutako organo sozialak erabakitzen duen aldizkakotasun, zenbateko eta moduan. Kuota horiek ez dira kapital sozialaren parte izango eta ezingo zaizkie itzuli bazkideei.
- Bi.** Halaber, Batzar Orokorrak ezohiko kuotak onartu ahal izango ditu puntualki, inbertsio bereziak egiteko beharrezko denean.
- Aldizkako kuotak eta ezohikoak bazkide mota guztiei exijitu ahal izango zaizkie edo bakarrik estatutu hauetan aurreikusitako bazkide motetako batzuei.

#### 50. ARTIKULUA. BESTE FINANTZAKETA BATZUK

Kooperatibak, aurrez dagozkion akordioak hartuta, Euskadiko Kooperatiben Legearen, abenduaren 20koaren, 65. artikuluko 3. eta 4. ataletan xedatutako finantzaketa motak erabili ahal izango ditu.

## 51. ARTIKULUA. SOBERAKIN GARBIAK

- Bat.** Soberakin garbiak zehazteko, merkataritza sozietateentzat ezarritako kontabilitate arauak eta irizpideak aplikatuko dira, hurrengo atalean xedatutakoa kontuan hartuta.
- Bi.** Honako hauek joko dira partida kengarritzat:
- Kooperatibaren kudeaketarako entregatutako ondasunen zenbatekoa, zeina ez baita balioetsiko merkatu prezioetik gora.
  - Kapital sozialari egindako ekarpenek sortutako interesak, eta, dagokionean, partaidetza bereziek eta kapital sozialean integratu gabeko ekarpenek eta bestelako finantzaketek sortutakoak.
  - Legez baimendutako amortizazioak.
  - Kooperatibaren funtzionamendurako beharrezkoak diren gastuak.
  - Indarrean dauden lege aplikagarriek ondorio berberetarako onartutako beste edozein kenkari.

## 52. ARTIKULUA. SOBERAKIN ERABILGARRIEN BANAKETA

- Bat.** Soberakin garbiak, behin aurreko ekitaldietatik zetozen galerak konpentsatzeko erabiltzen diren zenbatekoak kenduta eta bidezko zergak ordainduta, soberakin erabilgarriak izango dira.
- Bi.** Batzar Orokorrak arau hauen arabera banatuko ditu soberakin erabilgarriak:
- a) Gutxienez %30 Nahitaezko Erreserba Funtsera eta Kooperatiba Sustapen eta Hezkuntzarako eta interes publikoko beste helburu batzuetarako Derrigorrezko Kontribuziora (aurrerantzean, Derrigorrezko Kontribuzioa) bideratuko da. Gutxienez %20, Nahitaezko Erreserba Funtsera bideratu beharko da, eta gutxienez %10 Derrigorrezko Kontribuziora.
  - b) Derrigorrezko Kontribuziora bideratu beharreko gutxieneko ehunekoa erdira murriztu ahal izango da, Nahitaezko Erreserba Funtsa kapital sozialaren %50era iritsi arte.
- Hiru.** Gainerakoa, Batzar Orokorrak erabakitzen duen proportzioan, hauetara bideratuko da: borondatezko erreserba-funts banaezinetarako zuzkidura, Nahitaezko Erreserba Funtserako zuzkidura osagarria eta, hala badagokio, hezkuntzarako nahiz Kooperatiba-Sustapenerako eta Interes Publikoko beste helburu batzuetarako ekarpenerako zuzkidura osagarria.

### 53. ARTIKULUA. NAHITAEZKO ERRESERBA FUNTSA ETA DERRIGORREZKO KONTRIBUZIOA

**Bat.** Nahitaezko Erreserba Funtsa Kooperatiba sendotu, garatu eta bermatzeko da, eta ezin da banatu bazkideen artean.

Aurreko artikuluan aurreikusitako hornidurez gain, funts honetara bideratuko dira, nahitaez, bazkideek baja ematen dutenean Kapital Sozialari egindako nahitaezko ekarpenari kentzen zaion kopurua eta sarrera kuotak.

**Bi.** Derrigorrezko kontribuzioa enbargaezina da eta horren zuzkidurak balantzearen pasiboan agertuko dira, beste diru sailetatik bereizita.

Aurreko artikuluan xedatutako zuzkidurez gain, bazkideei ezarritako zehapen ekonomikoen zenbatekoa ere derrigorrez bideratuko da Derrigorrezko Kontribuzio horretara.

**Hiru.** Derrigorrezko Kontribuzioan aplikatu beharreko jarraibide nagusiak Batzar Orokorrak ekitaldi bakoitzerako zehazten duen araudi espezifikoa arautuko dira, eta interes publikoko xede hauetakoren batera zuzenduko dira:

- a) Bere bazkideak kooperatibismoaren, jarduera kooperatiboen eta lanpostuarekin lotu gabeko beste gai batzuen inguruan prestatu eta heztera.
- b) Kooperatiben arteko harremanen sustapenera, barne hartuz sustapenerako, asistentziarako, zuzendaritza komunerako edo kooperatiben arteko laguntza jardueretarako sortutako erakundeetan parte hartzeak sortzen dituen gastuen estaldura.
- c) Hezkuntza eta kultura sustapenera, sustapen profesional eta asistentzialera, eta baita kooperatiba kokatuta dagoen gizarte ingurunean eta gizartean orokorrean kooperatibismoaren ezaugarriak hedatzera ere.
- d) Euskararen erabilera sustatzera.
- e) Enpresa kooperatibo berriak sustatzera, euskal kooperatiben mugimenduak bultzatutako irabazi asmorik gabeko erakunde bati diru ekarpenak eginez.
- f) Bazkideak eta langileak prestatzera eta sentsibilizatzen, kooperatiba sozietateetan politika eraginkor bat susta dezaten emakumeen eta gizonen berdintasunean urratsak egiteko.

**Lau.** Kooperatibak adierazitako interes publikoko helburuetarako erabili ez

den Derrigorrezko Kontribuzio horren zenbatekoa, soberakinaren banaketa onartu eta hurrengo ekitaldian, irabazi asmorik gabeko erakundeei eman beharko zaie, aplikatzekoa den indarreko legeriak Derrigorrezko Kontribuzio honetarako ezarritako interes publikoko helburuetara bideratu dadin.

#### **54. ARTIKULUA. BORONDATEZKO ERRESERBA FUNTS BANA EZINA**

Aurrez Batzar Orokorrak erabakia hartuta, Kooperatibak Borondatezko Erreserba Funts bat osatu dezake, banaezina izango dena, galerak konpentsatzeko.

#### **55. ARTIKULUA. GALERAK EGOZTEA**

**Bat.** Batzar Orokorrak, galerak egozteko, honako arau hauei jarraituko die:

- a) Borondatezko Erreserba Funtsei, halakorik balego, zenbatekoaren zati bat edo osoa egotziko zaie, baina betiere Batzar Orokorrak hala erabakitzen badu.
- b) Nahitaezko Erreserba Funtsari egotziko zaio, gehienez ere, soberakin positiboak izan diren azken bost urteetan lege nahitaezkoak diren funtsetara bideratutako batazbesteko ehunekoa, eta eraketa bost urte horiek baino lehenagokoa ez bada, eratu zeneko data hartuko da abiapuntutzat. Halere, baldin eta Nahitaezko Erreserba Funtsa kooperatibaren kapital sozialaren ehuneko berrogeita hamar baino gehiago bada, galerak konpentsatzeko ere erabili ahal izango da ehuneko horretatik gorako zenbatekoa.
- c) a) eta b) atalen arabera konpentsatu gabeko zenbatekoa bazkideei egotziko zaie: bazkide kontsumitzaileei urteko kontsumoen arabera kalkulatuta, eta lan-bazkideei, urteko lan-aurrerakinaren arabera kalkulatuta.

**Bi.** Aurreko atalean adierazitakoa gorabehera, Batzar Orokorrak erabaki ahal izango du ekitaldi bateko galera guztiak edo batzuk kontu berezi batera egozte, etorkizuneko emaitza positiboan kargura amortizatzeko, bost urteko gehieneko epearen barruan. Bost urteak igaro eta galerarik geratzen bada konpentsatu gabe, galerak une horretan bazkide diren guztien artean banatuko dira, azken urtean bakoitzak izandako jarduera kooperatibizatuaren proportzioan, aurreko ataleko c) letran ezarritako irizpidearen arabera, eta urtebeteko epean ordaindu beharko dira.

Aldi horretan baja hartzen duten bazkideei konpentsatzeke dagoen galera funtsari dagokion zatia egotziko zaie.

Aurreko zenbakietan adierazitako epe guztiak igaro eta oraindik galerak konpentsatu gabe geratzen badira, Batzar Orokorrak erabakitako ekarpen berrien bidez edo kooperatibako bazkide izaerari eusteko beharrezkoak diren ekarpen berrien bidez ordainduko dira. Era berean, bazkidearen ekarpenak Estatutuek ezartzen duten gutxienekotik behera baldin badaude eta bazkideak ekarpen gehiago egiten ez baditu, bazkide horrek baja hartu beharko du. Hori guztia, Kooperatibak konkurtsoa konkurtso legearen arabera eskatu behar badu ere.

## **56. ARTIKULUA. KONTU AUDITORETZA**

**Bat.** Kooperatiba behartuta dago urteko kontuak eta ekitaldiko kudeaketa txostena kanpo auditoretzapean jartzera, Kontu Auditoretza Legeari eta hori garatzen duten arauetan ezarritakoaren arabera, ondoko kasuetako bat gertatzen bada:

- a) Arauz jartzen diren mugak gainditzen direnean. Muga horiek, gutxienez, aipatu legetik edo hori garatzeko arauetatik eratorritako honako hauek aipatuko dituzte: negozioaren zenbatekoa, balantzearen araberrako guztizko aktiboaren zenbatekoa eta langileen batez besteko kopurua.
- b) Batzar Orokorra deitzeko exijitzeko beharrezkoa den gutxieneko bazkide kopuruak eskatzen duenean eta betiere eskatzaileek kostuak euren gain hartzen dituztenean, eragotzi gabe gerora kobratu ahal izatea, kontabilitatean funtsezko akatsak edo irregulartasunak antzeman badira.
- c) Batzar Orokorrak, Kontseilu Errektoreak edo Zaintza Batzordeak hala erabakitzen duenean.

**Bi.** Kontu auditoreak Batzar Orokorrak izendatuko ditu eta, bestela, Kontseilu Errektoreak, eta, horrela eginez, gero, izendapenaren berri jakinarazi beharko du egiten den lehen Batzar Orokorrean.

## **VI. KAPITULUA.DOKUMENTAZIO SOZIALA ETA KONTABILITATEA**

## **57. ARTIKULUA. DOKUMENTAZIO SOZIALA**

**Bat.** Kooperatibak honako liburu hauek eramango ditu ordenan eta

egunean:

- a) Bazkideen erregistroa.
- b) Kapital sozialera egindako ekarpenen erregistroa.
- c) Batzar Orokorraren eta Kontseilu Errektorearen aktak, eta, hala badagokio, Zaintza Batzordearenak.
- d) Inbentarioak eta Balantzeak.
- e. Egunerokoa.
- f) Lege xedapenek eskatzen dituztenak.

Eta erabili aurretik gaitu beharko dira eta, dagokionean, legeztatu, Euskadiko Kooperatiben Erregistroan.

- Bi.** Liburuak eta kontabilitateko gainerako erregistroak koadernatuta eta foliatuta joango dira. Baliozkoak dira, halaber, nahitaezko liburuak osatzeko prozedura informatiko edo elektronikoen bidez egindako idazkunak eta idatzoharrak. Liburu horiek, euskarri elektronikoen edo paperean, Euskadiko Kooperatiben Erregistroak legeztatuko ditu sei hilabeteko epean, ekitaldiaren itxiera datatik zenbatzen hasita.

Aipatutakoaz gain, aurreko atalean aipatutako organoen aktak, informatikako prozeduren bitartez edo antzeko prozeduren bitartez egindakoak, Kooperatiben Erregistrora bidaliko dira, bidalketa ziurtatuz, aktak onartu eta hurrengo bi hilabeteko epean legeztatzeko.

## 58. ARTIKULUA. KONTABILITATEA

- Bat.** Kooperatibak kontabilitatea ordenatua eta bere jarduerarako egokitua eraman behar du, Merkataritza Kodearen arabera, araubide ekonomiko kooperatiboaren berezitasunak errespetatuz.

Kooperatibaren ekitaldi ekonomikoa urtarilaren 1ean hasi eta abenduaren 31n amaituko da.

- Bi.** Ekitaldia ixtean, Kontseilu Errektoreak Kooperatibaren urteko kontuak formulatu beharko ditu. Kontu horietan, balantzea, galdu-irabazien kontua, memoria eta, hala badagokio, ondare garbiaren aldaketen egoera orria eta diru fluxuen egoera orria sartuko dira, aplikatzekoa zaion finantza informazioari buruzko arau esparruarekin bat etorriz, eta sozietatearen ekitaldia ixten denetik gehienez ere hiru hilabeteko epean.

Kontseilu Errektoreak dagokion kudeaketa txostena ere aurkeztuko du, urteko kontuekin batera, merkataritza legeriaren arabera, eta, hala badagokio, informazio ez-finantzarioaren egoera orria, kudeaketa txostenean edo bereizitako txosten batean jasoa.

## 59. ARTIKULUA. URTEKO KONTUAK GORDETZEA

Kontseilu Errektoreak urteko kontuak eta, hala balegokio, Kudeaketa Txostena eta kontu auditoreen txostena aurkeztuko ditu bere kide guztiek sinatuta, Batzar Orokorrak onartu eta hilabeteko epean, Kooperatiben Erregistroan gordetzeko. Kideren batek sinatzerik ez badu, espresuki zergatia adieraziko da.

## VII. KAPITULUA. DESEGITEA ETA LIKIDAZIOA

---

### 60. ARTIKULUA. DESEGITEKO ARRAZOIAK ETA ERABAKIA

**Bat.** Kooperatiba desagiteko arrazoiak izango dira:

- a) Estatutuetan definitutako xede soziala betetzeko ezintasuna dagoela argi eta garbi ikustea.
- b) Organo sozialak geldi egotea edo kooperatibaren jarduna, arrazoirik gabe, etetea, batean zein bestean elkarren segidako bi urtez.
- c) Bazkide kopurua kooperatiba eratzeko legeak eskatzen duena baino txikiagoa izatea, hamabi hilabete baino denboraldi luzeagoan.
- d) Estatutuetan ezartzen den gutxienekotik behera murriztea sozietatearen kapitala, baldin eta hamabi hilabete edo gehiago irauten badu murrizketa horrek.
- e) Bat egitea edo erabateko zatiketa.
- f) Kooperatibaren desagitea aitortzea, aipatu erakundearen likidazio fasea irekitzen duen epailearen erabakian jaso, konkurtso egoeran dagoenean, Konkurtso Legearen testu bategina onartzen duen 1/2020 Legegintzako Errege Dekretuak, maiatzaren 5ekoak, aurreikusitakoaren arabera.
- g) Horretarako deitu den Batzar Orokorrak harturiko erabakia bada.
- h) Legean ezarritako beste edozein arrazoi.

**Bi.** Desagiteko erabakiak gehiengo arruntez hartuko dira, aurreko e) eta g) egoeretan izan ezik, horietan bi hereneko gehiengo beharko baita.

**Hiru.** Kausa horiek gertatzen badira, Kontseilu Errektoreak Batzar Orokorreko deialdia egin beharko du bi hilabeteren epean; edo edozein bazkidek eskatu ahal izango dio Kontseilu Errektoreari deialdia egin dezala.

Kontseilu Errektoreak eta interesa duen edozeinek Kooperatibaren

desegite judiziala eskatu ahal izango du, hauetako kasuren bat gertatzen bada:

- a) Batzar Orokorrerako deialdirik ez egitea.
- b) Batzar Orokorra Estatutuetan ezarritako epean ez biltzea.
- c) Batzar Orokorra bildu izana eta desegiteko erabakia ezin hartu izana.
- d) Batzar Orokorra bildu eta desegitearen aurkako erabakia hartzea.

**Lau.** Euskadiko Kooperatiben Erregistroan inskribatu beharko da desegiteko erabakia edo desegitea deklaratzeko duen ebazpen judiziala, eta Euskal Herriko Agintaritzaren Aldizkarian argitaratu beharko da, baita sozietatearen egoitza dagoen lurralde historikoko zabalkunde handiko egunkari batean ere.

## **61. ARTIKULUA. LIKIDAZIOA**

Kooperatibaren likidazioa Euskadiko Kooperatiben 20 Legearen, abenduaren 20koaren, 91. artikuluan eta hurrengoetan eta indarrean dauden eta aplikatzekoak diren gainerako xedapenetan jasotakoaren arabera egingo da.

## **62. ARTIKULUA. SOZIETATEAREN ONDASUNAK ESLEITZEA**

**Bat.** Sozietatearen ondasunak ezin izango dira esleitu edo banatu, harik eta sozietatearen zorrak oso-osorik ordaindu arte, zor horiek kontsignatu arte edo muga eguneratu gabeko kredituen ordainketa ziurtatu arte.

**Bi.** Aurreko paragrafoan zerrendatutako zorrak ordaindu ondoren, sozietatearen gainerako ondasunak hurrenkera honetan esleituko dira:

- a) Kooperatiben hezkuntzarako eta sustapenerako eta interes publikoko beste helburu batzuetarako Kontribuzioa Euskadiko Kooperatiben Goren Kontseiluaren esku jarriko da.
- b) Bazkideei kapital sozialari egindako ekarpenen zenbatekoa itzuliko zaie, hala badagokio eguneratuta, borondatezko ekarpenetatik hasita eta nahitaezko ekarpenekin jarraituz.
- c) Estatutuetan edo Batzar Orokorraren erabakiz banatzeko modukoak diren Borondatezko Erreserba Funtsetan duten partaidetza itzuliko zaie bazkideei. Funtz horiek Estatutuetan edo akordio horretan ezarritako arauen arabera banatuko dira, eta, halakorik ezean, bazkide bakoitzak azken bost urteetan kooperatibarekin egindako eragiketa, zerbitzu edo jardueren

proportzioan, edo iraupen laburragoko kooperatiben kasuan, eratu zireneko data abiapuntu hartuta.

- d) Bai Nahitaezko Erreserba Funttsaren bai Kooperatibaren ondasun likidoaren soberakina, halakorik balego, Euskadiko Kooperatiben Goren Kontseiluaren esku jarriko da.

**Hiru.** Estatutu hauen 52. Bat. b) artikuluan xedatutako ekarpenak itzultzen ez diren bitartean, baja eman duten titularrek eta itzulkinak jasotzeari dagokionez Kooperatibaren ukoa jaso dutenek sozietatearen ondasunen esleipenean parte hartuko dute, kooperatiba hezkuntza eta sustapenerako eta interes publikoko beste helburu batzuetarako kontribuzioak egin ondoren, eta, estatutuetan kontrakoa xedatzen ez bada behintzat, gainerako ekarpenak itzuli aurretik.

---

## **AZKEN XEDAPENAK**

### **LEHENA. ARBITRAJE KOOPERATIBOA**

Kooperatiben artean, kooperatibaren eta kooperatibaren bazkideen artean edo kooperatibako bazkideen artean harreman kooperatibizatuen esparruan -baita likidazio-aldian ere- sortzen diren auziak (ez dira halakotzat hartuko Euskadiko Kooperatibei buruzko abenduaren 20ko 11/2019 Legearen 107.2 artikuluan zerrendatutako gaiak), kooperatibaren barne-bideak agortu ondoren, Euskadiko Kooperatiben Goren Kontseiluaren arbitrajearen mende jarriko dira nahitaez, Kooperatiben Arbitrajeko Euskal Zerbitzuaren bitartez, Euskadiko Kooperatiben Goren Kontseiluaren arbitraje-erregelamenduaren arabera (Euskal Herriko Agintaritzaren Aldizkaria, 187. zk., 2023ko irailaren 29koa), edo etorkizunean ordeztuko duenaren mende.

### **BIGARRENA. LETRADU AHOULKULARIA**

Kontu Auditoretzaren Legean edo haren garapen arauetan xedatutakoaren arabera urteko kontuak kanpo auditoretzapean jartzera behartuta badago kooperatiba, Kontseilu Errektorearen erabakiz, letradu aholkulari bat izendatu beharko du.

Letradu aholkulariak sinatuko ditu Batzar Orokorrak edo Kontseilu Errektoreak hartu eta Euskadiko Kooperatiben Erregistroan inskriba daitezkeen akordioak, Zuzenbidearen arabekoak direla ebatzita.

Akordio horien ziurtagirietan jasota geratuko da letradu aholkulariaren irizpena duten akordio horiek akta liburuan jasota daudela.

Letradu aholkulariak erantzukizun zibila izango du Kooperatibaren, haren bazkideen eta hirugarren pertsonen aurrean zabarkeria profesionala egon bada. Egiteko horretan jardutea bateraezina izango da zuzendari gerente edo Kontseilu Errektoreko kide izatearekin.

Kooperatibaren eta letradu aholkulariaren arteko harremana honako hau izan daiteke: profesional liberal gisa zerbitzuak alokatzekoa, lan kontratu bati lotutakoa edo sozietate arlokoa, Kooperatibako lan bazkide gisa.

### **HIRUGARRENA. DELITUAK PREBENITZEKO EREDUA ETA SEGIMENDUA EGITEKO MEKANISMOAK.**

- Bat.** Kooperatibak Delituak Prebenitzeko Eredu bat edukiko du, eta haien segimendua egiteko mekanismo bat ezarriko du.
- Bi.** Eredu horren edukia Kontseilu Errektoreak onartuko du eta, hala erabakitzen badute, Batzar Orokorrak berretsiko du. Honako hauek jasoko ditu: arriskuen mapa; erabakiak hartzeko protokoloa; kudeaketa eredu; salaketa sistema; zehapen araubidea; egiaztapen sistema; aldizkako berrikuspena eta Delituak Prebenitzeko Ereduaren eguneratzea.
- Hiru.** Delituak prebenitzeko eredu eta eredu horrek funtzionatzen duela eta betetzen dela gainbegiratzeko ardura ekimen botere eta kontrol botere autonomoak dituen Kooperatibako organo bati eman behar zaio, edo, bestela, pertsona juridikoaren barne kontrolen eraginkortasuna ikuskatzeko legezko funtzioa duen organo bati. Kooperatibak besteren kontura diharduten 250 bazkide langile baino gehiago ez baditu, Kontseilu Errektorearen esku utziko da funtzio hori. Kopuru hori gainditzen badu, ordea, organo espezifiko bat izendatu beharko da funtzio horiek bere gain hartzeko, zigor arloko araudian horrela ezarrita dagoelako.

### **LAUGARRENA. KOOPERATIBA INDARKERIA SEXISTARIK GABEKO EREMU BAT IZATEKO BALIABIDE ESPEZIFIKOAK**

- Bat.** Kooperatibak indarkeriarik gabeko lan eremuak edukiko ditu, non emakume eta gizonentzako berdintasun printzipioak errespetatuko diren.
- Bi.** Kooperatibak sexu jazarpenari eta sexuan oinarritutako jazarpenari aurre egiteko protokolo bat edukiko du. Protokolo horretan, sexu jazarpenari eta sexuan oinarritutako jazarpenari buruz aurkeztutako erreklamazioak eta salaketak ebazteko jarduketak jasoko dira, eta

behar diren bermeekin aplikatuko da.

**Hiru.** Kooperatibak beharrezko prestakuntza eta informazioa eskainiko die bere bazkide langile guztiei eta besteren konturako langile guztiei, aipatutako eskubideak erabat errespetatu beharraz jabetu daitezen.